

# OKRISTU VOOVIRIKANA

## NI WAAKOKHORELA

### AMULUKU A ETHIRU



Ela ti yawinyu. Ethhu ila yaamukhaani ti y'Amaama. Mwaavahe eyo a . . . ? . . . Ni mwaavekele wira atthokihe nto yaamukhaani ela . . . ? . . .

Kooxukhuru, Munna Neville, Apwiya yooreeriheni.

Mooxeleliwa, apatthani. Oreeriwa otthikela-tho mutapernakulu voosiis'ula, koonaka saana ni vooreera. Nsuri nkaawerya hata olavula. Kiroomphwanya mwaaxiitthu ola oneettasa iwo, moosuwela, onkela vammilo ni woolalihani vammilo, masi Apwiya aakikhaliherya ni aakikumiha mwa mukhalelo owo wira kiwerye olavula ni nyuwo voosiis'ula.

<sup>2</sup> Ni ninnitteeliwa murima wira yookhala etapernakulu yooreera yoosareiwa ni atthu yeemenle-ene. Kaanitthuna nikhalanne opuro, wo waavaha ale yeemenle. Naamutteeliwa murima vaakhanle wira naahikhalana, masi kinoona wira othene aakilaathiwa-mo. Miyo koosuwela wira nyuwo khimwaarowa otthuna orwa ni okilaathi ni anamwane ala waltaari n'urerya ettuli epantte ela ekina.

<sup>3</sup> Vano, aavira mahiku vakhani kimmusomaaka wahala, ni kihuupuwela khino voosiis'ula ohiya olaleya kaamuwerya wiixuttiha vakhani paahi mwaha wa Masu a Muluku. Ni vano alakela hiyo ninooxeleliwa vakhani, tivo miyo ki . . . akina a nyuwo antthuna waakakhanya opuro n'ale yeemenle, wala ethhu tthiri yaamukhala yooreera mwaawerya—mwaawerya waakakhanya ni waavaha omumula vakhani.

<sup>4</sup> Nto vano anci-ene wa apatthani, wa apatthani aka anrwa, akina aya ankhuma ottaiwene, oGeorgia, oHio, Tennessee, mapuro oohiyana-hiyana, Illinois, Missouri, Michigan, ankhuma oChicago, orweela muthukumano mukhaani paahi ntoko ola mutapernakulu. Kinnixukhurela vanci-ene mwaha wa atthu siiso. Ni kahi yeeyo paahi, masi kaatthuna kihimye ela, kahi voocaliwa ni . . . masi voocaliwa ni Masu a Muluku: ntoko atthu othene awo khanrwa paahi nave anniruuha sa namuloko saya vamosa ni wira avaha mukereja wa mukhaliheryo.

<sup>5</sup> Vano, awo apatthani oromeleya. Khakhanle oliyaliwaka atthu siiso.

6 Vano nto imaara sikina khino kihaana ohimya etthu enaasikuliha, masi nuumala munimoona etthu enihimiyaya. Mmurimani nyuwo khamunthhuna wira eyo, masi nlelo yookhala Etthu enihimya wira, “Nyuwu...ehaana wiiriwa,” moone, nto muhaana wira.

7 Ni owoona erwaaka okhuma mapuro othene ni—ni ephavelaka waarumeela Apwiya, ni yaaminiki muteko Apwiya akivahaly’aya ni aroromelaka wira ka murumeyi Aya wira nkaarowa waahimeerya etthu yoovonyeya, vano n’ixariya voomalela vekeekhai kihaana wira sothene sinsuwelaaka wira—wira keetthiherye minepa s’atthu ale; kisuwelaka wira awo khanrwa wa wira yooniwe paahi, aviraka miyaako ni matumuxa oosareya exeelu, ni arwaaka ovira iphiro soosareiwa, ni an’aya yaahaleelaka yolya ni orupa, ni mirupa saya epantte y’ottuli wa ekaaro. Ni, moosuwela, ti yoolipa.

8 Masi Bibilia ohaahimya atthu awo, Muliivuruni mwa aHeperi, kapiitulu 11, “Hata olumwenku khomphwanela atthu awo.” Miyo—miyo kinihimya eyo okhala wira kinihimya okhuma mmurimani.

9 Ni anci-ene ari wenco oNew Albany ni Louisville, ni vakhiviru, wa oKentucky, ni mapuro oohiyana-hiyana kahi ottaiwenexa, masi nnakhala vo awo t’ororomeleya orwa, mukaaroni aviraka muxeeluni, etthapwe, etthu ekina, wira aphiye va.

10 Vano, Ettiminku enrwa onkhuveela Natale. Ni koona wira kaari...kaahikhalana mutthaka wa Natale woovaha ekereja, masi miyo—miyo kaahikhalana moonelo mmosa w’axikhaani awo, kihaana ohimya vakhala wira awo...kaakhanle wenco, nto axikhaani alakela, anci-ene aya a ottaiwene saana, yaammuhaleela Natale ni itthu siiso. Tivo yaamukhala yo waarikela axikhaani awo. Masi ehinatthi orowa...Vano, hiyo...

11 Koosuwela wira hiyo atthu va khanniwiixuttiha an’ihu sa ethale eyo ntoko Paapa Noweli. Hiyo khinnaamini omuhimeerya mutthu etthu yoowootha, tivo khamunrowa owootha an’inyu. Etthu siiso, ethale vootepa waya, ya etthu siiso okuxa opuro wa Kristu oNataleni.

12 Ni Natale oopweteiwa...Natale kuhiyo-tho okohorela. otthapela, owurya, omweetta cuuku, opaka meera, opakawu woomalela waya. Ni kehiyo...Ni kaatthuna o...Khino nuumala Natale kinoolavula-tho mwaha wa *Natale*, moone, wira ehaakhottiherye axikhaani...Masi ahileeliweke eyo anamwane siiso. Awo anniwoona anamwane ohiyu wa Natale yaakhelaka soovahiwa sa Natale ni itthu siiso, awo khansuwela eyo. Munnona? Awo paahi...awo khareere oyeve. Ni hiyo nihaana owuupuwela awo, wira awo a...awo aakhalanasa

itthu soowuunlaana. Nihaana wuupuwela ntoko anamwane wira niwuupuwele axikhaani awe, wira yaawo. . .

<sup>13</sup> Nkireere—olavula voviituperya, munna, ni evuluume yoowaatta vaavo? Munniwerya okiwa oratteene ottuli iwo, ottuli saana? Ah? Mulipelele, nkireere waattamela. Miikoro xeeni silikariwe, soomiili, ola ni ola? Miyo—miyo kinoona wira t'ule vale okhanle wooloka. Eyo—eyo ti. . . Vano, ori sayi, ori saana? Vano vaareera, vaareera.

<sup>14</sup> Vano, axikhaani ahaana osuwela saana. Moosuwela, awo—awo axikhaani, ni nihaana wuupuwela wira nootoko okhala axikhaani, nave.

<sup>15</sup> Ni kinnuupuwela okathi waaryaahu axinamwane, awo yaamukhuma ni omuthikila tteekha nipuro nlo, nto amaama yaamwaarika nakuho ni yaamutthuka ni nliinya asipheelaka. Yaari ntoko yothene yaari vamwirini. Masi yaanithomeya imeeya iye sa khalayi soothaalasa ntoko. . . Ni, oh, ni khino yaakuxa e. . . khino murupa mukhaani wa irapusaatu, ni rapusaatu iye soolipa, (ni piili wala tthaaru khukivaha, ni piili wala tthaaru Humpy, ni piili wala tthaaru *ola*), irapusaatu sikhaani paahi, ni naakhala ni seiyo nihiku nothene, niphootaka yeeyo, moosuwela. Ni oputaputela vapapheloni ni ohela mpoolosani. Ni navahiwa kapwitthi oothweela, wala—wala epiitu yaamukhaani yo orumiha, yaari ethu yuulupale, yaaninihakalaliha.

<sup>16</sup> Olelo, tthiri, ti yoovirikana. Amasikhini annikhalana musurukhu vakhani ni anniwerya waathumela itthu soowaatta an'aya, anniwara saana, olya saana, okhala saana. Ni othene—mapuro othene, kinoona wira ari vooreera, ni mukhalelo wa elivelo ya olelo. Ni tivo, anamwane axikhaani, ahaana ovahiwa ethu.

<sup>17</sup> Masi okathi wothene muhihiye, waaleela wira khekhanle ethu ene eyo ntoko Paapa Noweli, okhala wira kehiyo yooreera. Nihiku nlo awo animoorwa yiire, “Ankhi Yesu, nto?” Munnona? Munnona? Vano mwaaleele Ekeekhai, mukhale naxariya ni atthu othene. Mukhale Ekeekhai. Ni, khimwaarowa waaleela ethu yoovonyeya, vanci-enexa an'inyu, okhala wira awo yaamuvanya yiire. . . Awo annaamini wira nyuwo mwa aKristu, ni anthuna wira nyuwo. . . Awo anaamini wira enaahimeeryanyu Ekeekhaii. Tivo muhihiye waaleela Ekeekhai, vano sothene sinookhala saana.

<sup>18</sup> Vano, ni nto kintthuna kikhallane ohiyu omosa mano kawerya vale, wala nihiku, wa etapernakulu, kihinatthi okhuma mwa miyaakha saka sinrwa sa muteko, mwaakha wa muteko, kiireke.

<sup>19</sup> Ni wakhala otthuna wa Muluku, kintthuna kiphavele okhalana mithukumano soowaattaxa ilapo s'okhopela mwaakha ola, okhala wira kinnoona otthunaneya waya. Vanci-enexa o Suwii-. . . oSuwiisa ni Noruweka, ni sinci-ene Eskantinaaavo—

ilapo sa Eskantinaavo, ni wAsiya. Kinnoona wira nihaana okhala voovela-vela naavekelaka mwaha wa itthu iya, tthiri nihaana wiixutta enamuna ya Erooho Yoowaarya ni epante Eyo enneettiheryaya, ni itthu sirinaahu wira.

<sup>20</sup> Kisomaka ehantisi ya khalayi ya ekereja, ya Broadbent, ni ya Hazeltine, ni soohimya saya sinci-ene wa yeeyo, *Axitiithi a oNicea*. . . Ni nsana koomaliha ekumi yothene ya Martini Oowaarya ekereja Katolika ekhoottalyaya omukhaliha santu; Muluku ohiira. Tivo awo. . . ya ekumi awe yuulupale, ni moota ithoonyeryo imosaru ni sootikiniha saamutthanre aya mulopwan'owo mmakhaleloni mwawe; moota owo aahihimunxe awe alipa-ookhwa aili, woomola irooho sootakhala, olavula ilavulelo soohisuweliwa, ni woono soowoona ni itthu, ni moota aaryawe mutthu muulupale. Masi, nnakhala vo, esiiri y'ekeekhai ya owerya wawe waari wiiyeviha ohoolo wa Muluku. Ni hiyo ninnoona olelo wira ekereja, nlelo yiixuttihaka owerya waya ni yiixuttihaka wira ithoonyeryo sinnimutthara mulipa-oowaamini, nnakhala vo ninniwoona yihelanaka, "muulupale miyo, mukhaani nyuwo," ni eyo, ke—kehiyo ya Ekereja yoopacerya, moone. Awo yaari oowiiyeviha, ni ooreerelana murima mmosa ni mukhwaawe, ni oosivela, oowiiwananeya. Ni ti yoovirikana vanci-ene olelo. Ni kiiroke yince-ene ya yeeyo khenihapunxe mwa e—erimarima y'ekeekhai ya—ya Mutthaka, tthiri, ninootthuna wiiyeviha. Mukhale. . . Munweryaxaanyu wiiyeviha, Muluku onimoorumeelani vooreeraxa.

<sup>21</sup> Kisomaka sa ithale ni ithale iya sothene, Natale ene ethale. Kahiyo hata. . . Khiyaavo hata ekeekhai ya Natale. Natale nnakhala khohimmwe mBibiliani, khonakokhoreliweke nihiku n'oyariwa wa Kristu. Khiyaakhanle etthu ene eyo. Nlo nikanano eKatolika ya oRooma ni kahi mwiixuttiho w'eKristu, khekhanle Yoolempwa emosa ya yeeyo hata nipuro nimosa mBibiliani ni mwa miyaakha emiya soopacerya nuumala Bibilia, moone, hata etthu ene eyo. Eyo ethale paahi. Paapa Noweli, nakoso, itthu sothene, yothene emalenle ekhalaka evitikavitika.

<sup>22</sup> Mwaarowenle ni musoma epacerelo ya yeeyo ni nweha vano, mwaamoona varyahu. Khehanle etthu, khiyaavo ehanle woohikhala Orwa w'Apwiya. Ti yeeyo tu. Khiyaavo etthu vano enwerya onikhaliherya okhuma mw'evitikavitika ela ohikhanle Orwa w'Apwiya.

<sup>23</sup> Ela ti ettipiheryo enthikila okaravariwa wa ifiita? Khino vanreerela kihiye yothene ela ota, ohikumiherya, okhala wira ti yoolipa. Masi kinihimya ela wira. . . Ifiita sinookaravariwa vano? Muhitumihe ifiita iya, moone, ifiita iya khasiharyo sootumihawa. Iya pooti ovira mukereja, wala siiso, masi. . . okhala wira eyo. . . enootannya mawoowo, vekeekhaixa. Munnona? Tivo nvarelele mpakha hiyo olokiha enamuna yoovirikana.

<sup>24</sup> Vano, nihinatthi olavula mutthaka, ni atthu othene ephavele

okhala oowiriyana sinweraneyaaya. Nkinrowa opisa vanci-ene, masi kintthuna kivaherye okathi wira... olakiherya, wira vekeekhai nyuwo mwiiwe saana. Vano, nrowe toko... Vano, yaahikhale-tho etthu, kookupali, mpakha va yookhala...

<sup>25</sup> [Munna Neville oniira aakhala mapuro amphwanyaneya—Mol.] Ayo, athiyana ale yeemenle epantt'ile vale arwaase va. Nookhala nipuro vasulu va nyuwo axinna athiyana. Ayo. Va nookhala nimosa vaava ohoolo. Va yookhala ekhatera ottuli nno. Aakhala anamwane waltaari nno, akhala onttthuna owela ni mwanamwane, anvahe opuro awe mutthu, mulweene eemenle. Vano, wookhala opuro wa—waltaari nno wa anamwane, ni aalweene yaamuhalana opuro. Axithiyana ale yeemenle ottuli iwe wa nripu. Vakhala wira nyuwo... Niri ottuli nno vanloothoni, masi ti... ti vooreerela ohikhanle weemela vo. Mwaatthunaka vale weemela...

<sup>26</sup> Aakhala makina va vaplataforma. Vano, amosa-amosa a nyuwo axinna mwatthuna orwa nno, anamwane ala aakhalana... Va ookhala mmosa mpararini wa Munna Way. Murwe vano, mukilaathi va, wira atthu othene... mukhale ootaphuwa, moone ntoko wira muri... mukhale ntoko owaani. Nookhala nipuro va, Munna Shelby, osulu nno vaplataforma, mwaatthunaka orwa va mukilaathi ni hiyo, vaava va. Ni Munna Evans ni Munna Charlie, ni nyuwo, va ori—va wookhala opuro va, ni emosa vaava va, ni miili—miili va. Murwe, munna vo a... murwe mukhale saana wira niwerye... waahiya atthu othene eheetteetaka vooweryaneyaxa wa mu—wa muteko, wira muhikhaleke ookhulumuwa ni oowoocya ni ooweemela.

<sup>27</sup> Akina wa nyuwo axinna ottuli... munna muthiyana wu musaala mme, eemenle ottuli wu musaala. Nyuwo muri... nlelo wookhala opuro. Va wookhala mukina ekhukulu ya piyaano mutthu pooti orumeela, atthuna orwa okilaathi-vo. Yaamukhala yooreera. Kinnimoona muhano mmosa ottuli iwe athoonyaka opuro woohikhaliwa mpararini mwawe, tivo nto vaareera. Mukhale oowitthyaalaxa vano.

<sup>28</sup> Nto vano niilokihaka saana, nrowe... Minuutu soophiyaka miloko miili, miloko miili ni miraru nuuvira ewoora yanamuloko, nihiku nla na namuloko ni mathanu na maili a Dezembro. Enrupa epula vate, oJeffersonville voosiis'ula. Ni—khaniri saana epantte ya vate; masi ninoona saana mpaani, vooreera, nisuwelaka wira ninaattamela, Orwa w'Apwiya ori vakhiviru, ni naattamelaka Ohimala. Ni ninnimuxukhuru saana Muluku oweryaka weemela voosiis'ula ni omunnya mulipa-oowaamini, ni oohaamini, Masu a Muluku mukumi. Niroromelaka wira ninrowa okhala nihiku nuulupale wira hiyo othene nisuwele saana itthu s'Apwiya.

<sup>29</sup> Vano nrowe nuurame muru okathi vakhani paahi wira nivekele. Nto nuuramme-ene muru, aakhanle-ene mutthu

aatthuna wuupuweliwa, anvenxerye matata Muluku paahi, muupuwele yoovekela anyu mmurimani mwanyu. Kooxukhuru.

<sup>30</sup> Tith'ihu a Wirimu, ntoko siry'ahu vano mutapernakulu, othene ookilaathi, ni mikorofooni wootthukuliwa, ni ikaravatooro sivaraka muteko, ni aKristu avekelaka, soovekela soosuveliwiwa. Ni mwa isumana piili wala tthaaru koosoma voohihererya mutthaka ola wa olelo. Moolumo vakhani paahi khino Erooho Yoowaarya enrowaaya orumeela wira elakiherye mwah'owo mmurimani mw'atthu, wira ewerye woona okathi onkhalaahu, wira yiilokihe wira yakumane n'Apwiya Muluku. Ninaavekelela aretta ahu othene ni ooxanka mapuro othene.

<sup>31</sup> O Yesu, muupuwele Ekereja Anyu, Ekereja ya mulaponi mothene, molumwenkuni mothene voosiis'ula, akina aya mutakhwani, akina mukhatoni mwa ethanelo, akina aya ari vasulu va mwaako. Ni olumwenku wothene an'Inyu anlipa ni Nyuwo ni anoovekelani Nyuwo. Ni ntoko Yohani a khalayi, oSisiro y'oPatimu, aahimnye awe, "Vano, murwe, Pwiya Yesu."

<sup>32</sup> Ni ninnisuwela wira khanikhanle woohikhala ni mukhalelo wa nwanani, owo okathi wothene ori vakhiviru wira akhottiherye ni eemexe, ni wira etthu p'itthu onweryawe. Masi, O Pwiya, mwaavahe an'Inyu waamini voosiis'ula, owerya wira avenye vasulu va nwanani, wira atthukule mirima saya ni akhalihe munepa aya ematta ya ethhaya yooruwerya vaavo Masu a Ekumi akhanlyaya waaliwaka ni okumiherya ohakalala wuulupale ni ohepha woowaatta.

<sup>33</sup> Miyo kinvekela, Pwiya, wira Nyuwo mureerihe Masu Anyu ni arumeyi Anyu. Mukhaliherye nsu naka nla nooteettheya wira kiwerye okhala oolipa ni muttikitthelo wa Erooho Yoowaarya. Vano nto muliinyani mwa mavekelo, nvahe owerya ni waamini, Pwiya, wira ohikhale hata mutthu ooteettheya eriyari ahu naakhumaka mpaani mu. Munivahe, Pwiya.

<sup>34</sup> Hiyo noosuwela wira ninkhala okathi wa woomalelani. Nto hiyo ninnoovekelani Nyuwo wira munireerihe vano nlelo noolipelelakani Nyuwo ni osoma Masu Anyu. Mwa Nsina na Yesu hiyo ninnivekela. Amen.

<sup>35</sup> Vano kinrowa osoma mapuro maili wala mararu mwa Yoolempwa, ni ntoko saahimalyaka Ettiminku evinre wira olelo kaarowa ophavela olavula mwaha wa: *oKristu Voovirikana ni Waakokhorela Amuluku A Ethiru*. Nto owo mwaha ahu voosiis'ula. Nto, vano, miyo nkihiyo teyooloku, hata musomi a Bibilia nnakhala, mutthu oohisoma paahi kinimpenta Pwiya Yesu ni murima wothene. Miyo nkinihimya okhala teyooloku wala weererya okuxa nipuro na mmosa, masi ophavela paahi mwa wiiveviha wa murima aka oleeliherya itthu iyo kinoonaaka wira Erooho Yoowaarya erookuupululela, ni kihaana ovaha ekereja aka. Okhala wira ti ocaliwa waka wira ekereja ela yinnuwe, wira ekerej'ela ekhale yoolikana mwa erooho. Ti

ocaliwa waka okhala wira ekerej'ela ti ya ocaliwa wa Muluku, ni ocaliwa Wawe ti ocaliwa waka. Tivo kihaana okhapelela yeela.

<sup>36</sup> Kaasomaka awahala a khalayi, a Irinewu n'akina, moota awo yaakhapelelaaya ekerej'aya wira ehikhalane nlepa ni itthu sa molumwenkuni, moota mapurusooore ale a khalayi yaavenyanse aya iwe ni vekeekhai khukhala ni Ehapari yooreera ele. Bibilia khaalempwe okathi ule mwa mukhalelo ntoko orinaahu Yoowo vano, kahi mpakha Orehererya, ni Lutero omutthintte awe. Masi awo—awo yaarinasa ele yitthaniwa *Ehapari yooreera ni Murummwa. Ehapari yooreera ni Murummwa*, ni awo yaakhala ni yeeyo.

<sup>37</sup> Vano, mwa mapuro ahu maili hiyo ninuupuwelelaahu osoma voosiis'ula, nimosa naya nimphwanyaneya Muliivuruni mwa Yeremiya, kapiitulu 7, ni opacerya versiikulu 10 mpakha 18. Nipuro nikina nimphwanyaneya mwa Miteko 7:49. Nto nyuwo mwatthuna olepa yoosoma ya yeela, wala yoosoma mwa yeela, Yeremiya 7, yaamukhala eversiikulu 18. Kintthuna opacerya osoma versiikulu 10.

*Ni munaamoowa mweemeleke ohoolo waka empa yeela, eniitthaneliwa nsina naka, ni wira, Nootaphuwa vano nivareke itthu iya sohiirya sothene?*

*Empa yeela, eniitthaneliwa nsina naka, nikhuku na anahasara vamaithoni vanyu? Nto miyo, yoomi-enexa kihoona eyo, anihimya t'APWIYA.*

*Masi vano murowe oSilo woopuroni waka, weiwo woopaceryani kaahenlyaaka nsina naka, moone etthu epanke-aka-wo mwaha wa soonanara sa atthu aka aIsarayeli.*

*Nto vano, okhala wira nyuwo munnivara miteko iya sothene, anihimya t'APWIYA, koohimenryakani, kaapeheryaaka kilavulaka, masi nyuwo muhinaiwa; . . . kinawitthananani, masi muhinaakhula;*

*Nave-tho kinimwiiriha empa yeela, eniitthaneliwa nsina naka, yeela enroromelaanyu, ni opuro yoola koovanhe-akani nyuwo ni axitiithi anyu, ntoko siirinhe-aka oSilo.*

*. . . Miyo kinoowoomolani ohoolo waka, . . . Kinoowoomola axinn'inyu othene, kaawoomonle-aka axinna anyu othene, nloko nothene na Efrayimi.*

*Tivo muhaaliverye atthu ala, muhaavekelele. . . atthu ala, nnakhala ovenya ni muhiwoonele othunku nnakhala waavekelela, nnakhala muhikivare metto: okhala wira miyo nkinrowa owiiwani.*

*Kiireke nyuwo khamunoona itthu ampakaaya mpooma mwa o Yuta ni mmaiphironi mwa o Yerusalemu?*

38 Vano kintthuna keemele kihinatthi osoma eversiikulu yookiserya ya yeela. Kitthuniheriwe kipacerye-tho vano. Muluku aapwapwelaka atthu ala, ni airaka, “Nnakhala muhaavekelele.” Kitthuniheriwe kipacerye ni eversiikulu 16 kisome mpakha 18 vano. Nwiryane oratteene.

*Tivo muhaavekeleleke atthu ala, hata muhiwoonele othunku nnakhala waavekelele, nnakhala muhikivare metto miyo: okhala wira nkinrowa owiuwani.*

*Kiireke khamu...Kiireke khamunoona itthu ampakaaya mpooma mwa oYuta ni mmaiphironi mwa oYerusalemu?*

*Anaaya anthaya ikhuni,...axitiithi aya enaiseela mooro, nave athiyana ankhata ephepa, wira empakele mikatthe pwiyamwene a wirimu, ni anaavaha mikuttho amuluku akina, wira nyuwo mukitannye esara.*

39 Vano, kintthuna kikhunle vano Muliivuruni mwa Miteko, kapiitulu 7, ni opacerya versiikulu 44, ni osoma mpakha 50.

*Axitiithi ahu yaahikhalana eheema yaonamoona mothakoni, ntoko saarumme awe, ole aamuhimenrye Moise, wira apake alikanyihaka ni ele oonalyaawe.*

*Yeeyo nave-tho axitithi ahu vaakhelenle-aya yaahikuxa ni Yoxuwa okathi yaawaakhale-aya ilapo Atthu, yaawo Muluku aawoomonle awe vamaithoni va axitiithi ahu, mpakha mahiku a Davidi;*

*Yoowo aaphwannye mahala ohoolo wa Muluku, ni ahinvekela wira amutekele eheema Muluku a Yakope.*

*Masi Salomoni t'amutekenle empa eyo.*

*Masi ole a Wirimu khonikhala ipa sootekiwa ni matata a atthu; ntoko sinihimyawe profeta,*

*Erimu ehice aka, nave elapo ntthatto na inawu saka: empa xeeni nyuwo enweryaanyu okitekela? anihimya t'Apwiya: wala nipuro xeeni naarowaaka omumula?*

40 Vano, munoowerya woona mwaha w'osoma Yoolempwa, wira, vaavo vanihelaaka muupuwelo aka voosiis'ula, vasulu va “amuluku eethiru,” yoopacerya, opacerya wene. Elempwe vakhani vanihimmwa amuluku eethiru. Khisaavo iliivuru sinciene wira sileeliherye waakokhorela amuluku eethiru, ele ekhanle waakokhorela amuluku eethiru, nave nnakhala vo olumwenku khoreerane yeeyo. Kinoona wira mwaha aya, okhala wira vekeekhai khenaleeliheriweke atthu, ahisuwelaka yaarowa okhala exeeni. Ni onnikhalaka mureerelo aka, ni mwa mureerelo aka muulupale mwa makhalelo aka, keettaka ikwaha, woona okokhoreliwa amuluku eethiru, osuwela exeeni iyo.

41 Vano nto kisomaka sa okokhoreliwa amuluku eethiru, isumana vakhani sivinre, osoma sa ithale, ithale sa Ekreku



ni ithale sa eRooma, nto eyo ennikiphiiherya woona khama anniiva... nlelo annikhaliha etthu iyo ekumi, woona sintoko waakokhorela amuluku etthiru onnitthikela okhalaka ntoko saaryaya woopaceryani. Olelo keettaka mukwaha, koonaka okokhoreliwa amuluku eethiru; ni nto koonaka enamuna epacenyaya, kisomaka moota eyo epacenyaya o... mahiku oopacerya; kinnoona wira khevirikanne.

<sup>42</sup> Vano, miyo kaahikhala oHintiya, oHintiya ti woosareya-wo okokhoreliwa amuluku eethiru. Awo aakhalana ale aneetta vamooronni wu ni oovirikana... Kinoona wira, oxekuwa omosa okathi ophiyalayaka oBombayi, kaahaakheliwa oxekuwa ole ni... kiri... ookhala okihimenrye, nkaarowa osuwela taani aari aani, awo yaari mpaani mookokhorela mwa aYaini. Ni saari itiini muloko ni thanu na piili wala thanu na piili, soovirikana, ni miyo kookupali wira saari itiini muloko ni thanu na piili soovirikana saakumanne ni miyo iwe wira epace Masu, ni khula emosa wa seiyo voomuvirikanya voolipa-vo Kristu. Itiini muloko ni thanu na piili soovirikana! Ni awo yaari... Yaahiniruliha ixapattho sahu empa mookokhorela, ni ovolowa, ni khunikilaathiha vamisaaawuni. Ni waamukuxa okathi wira kihimye ehantisi yothene (ntoko siniihanaaka) waavinryaahu-mo. Masi mukhulupale a mpooma aahiniroiha weiwo yoowo ene aari muHintu, okhanle Mmaka.

<sup>43</sup> Ni Muhammad aari profeta, ni owo aakhumme munlokoni mwa Iximayeli yoowo aari nave mwaana a Abrahamu.

<sup>44</sup> Ni naari nloko nenla namalaleya ola oosuwelaxiwa molumwenkuni olelo, aamutthyanwe-awe mmosa wa axilopwana awe aamutharimunle wira okhale wooniherya Mmasuni. Ni, mwa wuupuwela waka, namalaleya a ehapari aahaana wira, "Miyo nkirina soovaha s'ovoniha, masi erutthu ahu y'alipa-oowaamini ehaana yeeyo. Mukivahe iwoora vakhani, nto kinoomuruuha mutthu va." Munnona? Masi, tthiri, airaka yeeyo, namalaleya aamukela mmukhaleloni woolipa ni mitthenkeso saammukhaliherya, vano nto owo aamukhoottiwa.

<sup>45</sup> Vano nto wa muupuwelo wa neili wa yeeyo, nkinaamini wira kaammuhiya mulipa-oohaamini ole oxinta ohoolo wa Masu a Muluku. Kaaxinttiwe, nlelo kaamweemela vaavale kooniherye waamini waka ni omwaamini Muluku wira Owo onikhala mmosaru. Ntoko aana aHeperi yaahimiyale aya, "Muluku ahu onniwerya onivuluxa muttukutthani mu mwa mooro, masi nnakhala vo khaninrowa wuuramela ithiru sanyu." Ayo, kookupali wira yaamukhala etthu yoominyalaxa. Vano nto emaara ekina miyo...

<sup>46</sup> Aryeene toteri a teyoloxiia ni oosuwela saana Soolempwa, ntoko namalaleya ehapari muulupale siry'awe, ni mutthu oowerya owo sikhanyawe, kookupali wira kaammutharimula mwa Masu, sinto Yesu aari Kristu wala nnari, wala sinto

Muhammad taari profeta, ni kaammwehererya ni Bibilia awe yoowo. Iwo waakhanle wiithaniwa waka (mBibiliyani) ntoko siry'aya namalaleya, wira kitaphulele, kaamukuxa mukhalelo yoowo ohikhanle otthyawa paahi ni ohokolowa. Eyo yaahooniherya. . . Eyo khenooniherya ominyala iwe w'oKristu w'ekeekhai onkhala woolipa, okhala mukumi wala okhwa. Muluku onniwerya ovuluxa. Kookupali wira kaammutharimula.

<sup>47</sup> Masi awo yaahiliyala wuupuwela oBombayi okathi mulopwana ahoona weiwe, Amaka, ohiy'ule aakhenlyawe woona wawe vamuthukumanoni. Awo khayaarowa ohimya eyo.

<sup>48</sup> Masi, nnakhala vo, mw'atthu ala, awo kahi anawoothe. Awo atthu a xariya, a xariya saana ntoko nyuwo ni miyo, ni imaara sikina ovikana siry'ahu wAmerika nno. Awo kahiyo anawoothe. Awo vekeekhai annaamini yeeyo ni annipaka ni sothene siri mwa yaawo.

<sup>49</sup> Mukitthuniherye kiwooniheni etthu yaamukhaani enihimya okokhorela w'ethiru. Kooliyala nsina na muluku okhanle muluku a ale aneetta vamooroni, masi eyo etthontto yoowunnuwa ni yuulupale, yuulupale. . . etthu yoolattana ni ethoni ya mutthu, muthinto mmosa wa ethoni yoopatthiwa, ni maaru maalupale, wira yiiweke itampi saya sothene ni siiso. Ni arupi aalupale, ntoko iprinku mwawaya. . . mmaaruni mwaya va, seiyo, alakela saarowa okhala emilyawu nuusu khula emosa, khino; khino eyo pooti okhala yoothunaxiwa, pooti okhala yoohitthunaxiwa. Masi, oh, maniya a ehisapo yuulupale mwa esanamu eyo!

<sup>50</sup> Ni namukuttho a mpaani mookokhorela onimuruuha mulimi oohaawa, owo khorina y'okhala. . . mutthu pure paahi, khorina okhalaka mutthu oosuwanyeyasa. Owo mutthu pure paahi, mulimi onttthuna omuxukhuru muluku awe mwaha wa soohepha sooreera. Ni, airaka siiso, owo onooniherya omwaamini wawe muluku aarwaaka mpaani m'okokhorela ni oreerihwiwa ni namukuttho awe.

<sup>51</sup> Vano nto o. . . ailokihaka wira eette mutankini mwa makhala a mooro erina isentiimeturu soowaatta wiixa ni isentiimeturu soowaatta otaphuwa, ni yoovekhuleliwa ni mavekhulelo mpakha otteela mwaha wo oviha. Vano, iwo kuhiyo wootererya, ekeekhaii. Owo onoorowa ohoolo wa muluku eethiru, onlapa itampi sawe wa namukuttho ola, ni anoomuyeeherya maasi; maasi oowaarya, ni siiso, namukuttho oreerihalyawe.

<sup>52</sup> Vano nto, imaara sinci-ene, awo ammukuxa coolo muulupale, coolo a ihopa, oowunnuwa, muuluapale, khino a miliimeturu muloko ni thanu na xexe a—a etiyaameturu, okhuma o—okhomoni mpakha ekopo y'ottuli ya coolo. Ni animuhela poola mukhaani a maasi mwa yeeyo, ntoko ephapo ekhaani ya mwiri wa Natale, ni poola mukhaani, ni osariha maasi wira okhale oolemelela. Ni ankuxa, vekeekhai, ikonto

sene sa seiyo ni ottomeerya veerutthuni vaya, ni akhanyereryaka ota. Anoosukhuma, sikelaka mweerutthuni mwaya, wira evire moohaaxeyani wira emusivelihe muluku aya, esanamu. Awo kahiyo anamirima miili.

<sup>53</sup> Nto, imaara sinci-ene, annikumiherya nlumi ota ni orihelela nivaka ni ephatta ya yuuma vaavo, anooviriha vanlumini ni vaphulani ni ovarelela vamosa, ni othyuula miiithe sa maliinya ni ottottha eyano aya vamosa awo ya...alavunlyaya itthu soonanara. Ni masooso xeeni!

<sup>54</sup> Vano nto anookilaathi vatankini va yuulupale ya mooro. Animwiiva epuri, wira emaalihе esanamu, wira evahe ekumi mwaha wa itampi saya. Ni nyuwo mwaahaana wiiwa e—evitikavitika epuri yaaivwaka. Awo anlapa itampi saya vaavo ni wiiva epuri, erihaka e...ekuxaka ephome ntoko elivelo.

<sup>55</sup> Vano nto vakhala wira ola oneetta vamooroni, owo oovaru khutthimaka aviraka vamooroni, owo oniruaha oveeha va yoowo. Masi ohaana weetta murima-murima ni oolipa aviraka vamakhalani va a mooro. Nto imaara sikina awo anniphiya mpakha imeeturu xexe ni nuusu wiixa waya, makhala ala a mooro. Ni khino imeeturu xexe ni nuusu khino imeeturu xexe ni nuusu wiixa waya ni khino miloko miili ni thanu na piili wala imeeturu miloko miraru ni thanu na xexe orakama waya ni ikina oh, khino imeeturu piili ni nuusu wala tthaaru otaphuwa waya. Ni sinkhala sootteele mwaha wo oviha. Ni owo khonwara etthu woohikhala nipattuuxa na nttapwatta, okhanle tonto oosipheeliwa mukhootwani. Ni oniphiya vale, ni sothene iyo soothomeiwa, avuuvaka ephome, ni acoolo a ihopa ni sothene veerutthuni wawe, onimwiitannya mpakha okhala oosarasara ni mapheru ootteele akhumaka mwaano.

<sup>56</sup> Nto va owo onoorwa, eettaka vamooroni vale, ni onikhuma eettaka epantte ekina, oohivulala nnakhala, ovira vamooroni, ni khino inawu sawe sipwinaka so (metto) vathi vamooroni, isentiimeturu miloko mithanu na mosa wala soovikana eettaka, oruuhelaka osulu veerutthuni wawe ya mutthu makhala ale a mooro ooxeerya ni ooviha saana, eettaka vamooroni vale ni okhuma oohivulala epantte ekina. Mwaamuwerya woona inawu sawe, hata nwarakhulo nnakhala opaheya.

<sup>57</sup> Nto ewehaka saana, ni yuupuwelaka wira, vakhala wira omuhelela mukuttho muluku eethiru, ni ephome ya epuri, ni waamini etthu yeeyo yaammukhapelela pakawu owo vamooroni, exeeni yaarowa omwiiriha Ephome ya Yesu Kristu mulipa-oowaamini Muluku mukumi?

<sup>58</sup> Vano, waakokhorela amuluku eethiru etthu yootikiniha. Ninnikhalanaka eyo moovirani wa okathi, okhuma...kinoona wira, woopaceryani w'okathi. Vano, ettharihelo yo waakokhorela amuluku eethiru nno ti mutthu onimukhaliha muluku eethiru, onoomutthokiha muluku eethiru, nto onoophiya

ni wiitthokiherya okokhorela nno wuulupale. Vano, owo onaamini wira muluku ola eethiru opakiwe voolattana ni muluku mmosa owo ohinatoko awe. . . ohinatoko awe omoona. Owo t'ohikhalana mukhalelo, tivo owo onaamini wira ori mmukhaleloni mwa muluku eethiru ola onimpakaawe wa muluku ola.

<sup>59</sup> Vano, muhihiye eyo woovuluwani! “Elatarato” empakiwa voolikana ni muluku a ethale owo onaamini awe wira ti yeeyo.

<sup>60</sup> Vano owo onoorowa ohoolo wa muluku ola eethiru ni okokhorela, ni onaamini wira muluku okhanle mutthu ohinooneya onkela mwa muluku ola eethiru, ni onaamini wira onnilavula ni muluku mwa muluku ola eethiru, wira muluku oniikelihwa mwa yoola eethiru ni onnimwaakhula. Ni anci-ene a nyuwo awiixuttihi va musomme sa ithale. . . Yaanikhimmwa, mahiku ale, wira amuluku ale, hata yaanikhalana ikhotto yaaworu, ni sothene.

<sup>61</sup> Vano, mwa moolumo makina, muluku oniiruhela nriphi mwa mukhalelo awe wa erimu, akelaka mwa muluku yoola eethiru, ni onnimwaakhula mulipa-ookokhorela ola ovira mwa muluku ola eethiru. Ni mulipa-ookokhorela, mwa enamuna emosa ya moonelo wootannyeya, onnaamini wira muluku eethiru onnilavula ni yoowo, vamurimani vawe, ni wira itampi sawe sinnileveleliwa ni sothene sikina, mwaha wa muluku yoola eethiru, yeeyo enooniherya voowooneya wira xetwani. Ti xetwani oniira eyo.

<sup>62</sup> Ni khaniira itthu voohitthokeleleya; akina anniira, masi aakhala alipa-ookokhorela eekeekhai a itthu iyo. Mwa nlikanyiho, miyo kaamuwerya wootharihelani ihantisi sa moota axetwani ale ampakaaya inamuna sothene sa itthu, annikumihwa ephome mwa itthu, ni sothene sikina. Awo—awo t'a—awo t'axetwani!

<sup>63</sup> Ni nyuwo mwaahaaminiki-ru e. . . wira vekeekhai ookhala xetwani, khamunaamini wira ookhala Muluku. Tthiri, muhaana waamini voovirikana, vookupalela ni voovirikana. Tivo ookhala xetwani eekeekhai, ni owo mutthu. Kahi *muupuwelo*, owo *mutthu*.

<sup>64</sup> Vano, wookhala mwiixuttiho okhanle oniira, “Xetwani paahi mu—muupuwelo wootakhala murinaanyu.” Nnari, nnari, kehiyo. Xetwani mutthu.

<sup>65</sup> Atthu yaawo anaamini wira “Erooho Yoowaarya paahi mu—muupuwelo wooreera onkhalanaanyu.” Masi muhaamini iyo. Erooho Yoowaarya Mutthu, Ti Mutthu a Kristu mwa mukhalelo wa Erooho.

<sup>66</sup> Vano, anamaakokhorela amuluku eethiru ala. . . Ni nyuwo mukhalane Soolempwa sanyu soolikana ahiiso mapuro a Soolempwa sanyu. Miyo—miyo pooti ohimyaka kamosa-kamosa wa seiyo okathi vakhani, Soolempwa, hiyo pooti osoma

kamosa-kamosa. Vano, anamaakokhorela amuluku eethiru ala, ankokhora ohoodo wa muluku eethiru, anaamini wira muluku animukokhorelaaya onthoonyereya mwa muluku ola eethiru. Vano, nyuwo muhiwa saana, wira mulipa-ookokhorela kahiyo namirima miili? Owo vekeekhai onikuxa etthu eri mwa muluku ole eethiru, okhala wira, okhala wira enimutthikela yoowo, owo oniira etthu; onaakhela eyo wa muluku yoowo eethiru, okhanle muluku ea ethale, kahi Ole eekeekhai.

<sup>67</sup> Ni imaara sinci-ene xetwani onkela mwa itthu seiyo. Ni imaara sikina xetwani onookela mmithukumanoni ni wiikhalihaka ntoko Muluku. Kinnoonaka eyo mmutekoni mwaka.

<sup>68</sup> Vano, muupuwele, ela paahi ti...hiyo nnimwiixuttiha paahi voosiis'ula. Ni kintthuna wira ekerej'ela, kakhumelaru mmutekoni nno wira kirowe mmapuwani, kintthuna wira mukhale ni pastore anyu ni mukhale ni Mwiiixuttiho onxuttihiwa va. Mukhale ni Masu ala, muhihiye Awo! Mukhale voolikana ni Masu vohicala exeeni eniireya, mukhale ni Masu awo! Muhiwa? Vano, ni okhala wira miyo kinoorowa...Miyo ka mmosa a mapastore va paahi. Munna Neville oniixuttiha etthu emosaru ntoko miyo, vano murwe okereja mwiiwe Masu.

<sup>69</sup> Nkinsuwela nipuro Owo onrowaawe okeettiherya-wo. Miyo kihaaleela amwaar'aka voosiis'ula vameesa, "Yookhala etthu mwa miyo eninlaka miyaakha iya sothene, Kinrowa osuwela exeeni iyo." Vano, miyo nkisuwenle epantte xeeni Eyo enrowaaya weettiherya, otthu onrowaaya, masi vatthu Eyo enikeettiheryaya miyo kinootthara.

<sup>70</sup> Vano, okokhorela w'ethiru, nlelo wookhala olelo. Ninnoona...Kinniwoona atthu arwaaka waltaari, ni soohimya sohoona sa awiixuttihi ohoona, aniira, "Mwiitthukule paahi, muliyale sothene, mukhalihe muupuwelo anyu nipuro noohikhala etthu. Munookhala e—Eliya. Nyuwo munookhala *ela, ele, wala ekina.*" Wootha xeeni! Nyuwo khamunrwa wa Muluku...Iwo otthukula munepa anyu wira khula enamuna ya irooho sa xetwani sikele. Muhiire yeeyo. Muhaana wupuwela wira ookhala xetwani, ni owo onnimutakiherya Kristu vohalela, olikana.

<sup>71</sup> Miyo kaamusoma mwa *Ekumi ya Martini Oowaarya* okathi vakhani ovinre, wira mmiravo, owo vekeekhai aari monxe, nto owo khwira wira Muluku aaroomwiihana wira akhale mmosa wa maprofeta a khalayi, "Mukiwiriyane, miyo ka mmosa wa maprofeta a khalayi." Ni exikola...Martin, vekeekhai, khaarowa wiiwelela etthu ntoko eyo. Tivo awo khayaaminni okhala wira makhalelo a mmiravo owo khiyattharihela yeeyo. Vookiserya owo khwira, "Kinrowa owooniheryani wira kihitthaniwa wira kikhale profeta a khalayi. Mmiravo saana," khwira, "masi miyo kihihaniwa."

<sup>72</sup> Moone, “Soovaha ni wiihaniwa sinkhala woohirukunxa murima.” Moone, awo anoohiya Masu, nto mwahiyaru Masu munimwiikelihwa mwa khula etthu.

<sup>73</sup> Nto mmirav’ola iirale, “Ohiy’ula, okathi wa ohiyu eriyari, Muluku onrowa okivaha nlaya nootteele, wira kikilaathi eriyari anyu nyuwo othene, wira kooniherye wira ka profeta a khalayi.” Vano awo, ohiy’ule awo othene yaamuwiriya, ni waapa ni ovolowa, ni atthu eviraka. Vano mmiravo khwaakhela nlaya nootteele. Okathi muletto oronwe awe, awo khurwa khuweha nlaya, naari n’ekeekhai, nlaya nootteele, nooneya okhala nooreera saana.

<sup>74</sup> Masi, pixipu a khalayi, owo khaawerya osuwela eyo saana. Khiyaakhala ntoko yoolikana, okhala wira, khiyaari ya Yoolempwa (nlaya nootteele).

<sup>75</sup> Nto vairaly’awe siiso, awo khwira, “Mukuxe nlaya nla murowe ohoolo wa Martin Oowaarya, mulopwan’ole a Muluku.” Nto owo khukhoota. Khaatthuna okhala ohoolo wa profeta ole ooloka. Owo aahikhoota okhala; nto khukhanyereriwa wira. Vapacenryawe okuxiwa, nlaya khulakaseya khurwa nipuro nlo, khuhisuweliwa naaronwe aya. Moone, okathi onrwaaya mooniheryo!

<sup>76</sup> Mwakhalana eweero y’ekeekhai khamurina ovelavelaka sinto ti yooreera wala nnari, eyo enoovilela wehereriwa khula nipuro. Ni Erooho y’ekeekhai ya Muluku enoovilela wehereriwa okhala wira enehereriwa mwa Masu a Muluku. “Vamwala wa Miyo kinooteka-vo Ekereja Aka.”

<sup>77</sup> Koowoona atthu okwanyuwa, atthu ooreera murima. (Vano munoowerya woona mwaha wa xeeni kihintthunelaaka ela—efiita ela otumihiwa.) Miyo koowoona atthu ooreera murima, ni atthu aPentekosite, mapastore yahaasuwela, atthu anookwanyuwa ni ovelavela, ni sothene siiso, ni—ni wira itthu, nto vookiserya anroihiwa empa ya anamukhw’anepa. Waari mwaha wo othukula murima, atthu oohittheke, vano axetwani khukela khukhala voopuroni. Ookhala xetwani eekeekhai!

<sup>78</sup> Miyo kaamusoma nipuro mmosa aarwiyy’awe o... Kookupali wira aari Irinewu wala Martin, mmosa, (amosa-amosa wa anammusoma Bibilia annisuwela saana yeela okivikana miyo), aarina ekhara ya weero mmuruni, aawanre nlaya nootteele, ixapattho sowoottihiwa eweero, nto khwira, “Miyo ka Kristu, mukihimye!” Santu ule khukhoota wira. Profeta ole eekeekhai a Muluku khukhala vale, khulipelela. Nto khumwiirela imaara piili wala tthaaru, “Miyo ka Kristu, mukihimye!”

Owo khwira, “Kristu ahu khonrwa siiso.”

<sup>79</sup> Ti yeeyo, muhaana osuwela Masu! Mukhale Mmasuni! Moone, ekhotto yuulupale eri vakhiviru. Vano, khanireere othweela ekereja miyaakha ni miyaakha, masi okathi woophiya

vano okathi Yampere ni Yane anrowaaya onvirikanya Moise ntoko Bibilia sihimaly'awe wira yaamwiira. Ni enrowa okhala ekhotto ya muroohoni, owana. Anookhala akina anrowa okelela ohoolo, ekereja ya muromolelo enrowa okelela ohoolo vooxintta ni otthikela ntoko eniiraaya. Masi kinihimya wira mulipa-oowaamini eekeekhai ni ooloka oniphiiyerya nipuro nenlo na ekhotto, ni vanreerela mukhalane musuwelelo ni musuwele eniiraanyu, ahiiso vaamuweryaneya waakhela erooho yootakhala vookhweyaxa nave khuhisuwela. Yakhalaru yoovirikana ni Masu ala, muhaamini iyo! Mukhale ni Masu awo!

<sup>80</sup> Amuluku eethiru, waakokhorela amuluku eethiru ti wa khalayi, ti wa khalayi Estadu Unidu nno. Ni miyaakha sivinre, Ahinti Pueblo, wArizona wu, awo yaahikhalana okokhoreliwa wa amuluku eethiru. Ni, eyo yaari, awo—awo yaahikhalana muluku a epula. Ni muluku a epula aari. . . yaamukuxa kha—khapa a mmaroveni, ni yaapaka elatarato ya khapa a mmaroveni. Ni yaamuhela malepa owo othene ntoko wira aakhumme vamaroveni. Ni yaamukokhorela ohoolo wa khapa yoola a mmaroveni, yaaminiki wira aahikhala muluku a epula aakhuruwela munikulani na khapa yoola a mmaroveni ni olavula ni yaawo mwa khapa yoola a mmaroveni. Okhala wira awo yaanaamini wira e. . . owo aakhala mmaroveni ni enaanelo, ni owo aari muluku a yeeyo. Awo yaarina. . . eyo ethale, ntoko wa—waamini woopakiwa wa ele eri eekeekhai.

<sup>81</sup> Vano, ni yaakokhorela axetwani yiiraka siiso. Amukokhorelaka khapa a mmaroveni, yuupuwelaka wira aari muluku a epula, yaaruuha erooho mwa yaawo, vekeekhai, okhala wira yaanithukulela murima aya yeeyo. Masi yaari erooho yoovonyeya!

<sup>82</sup> Athu anci-ene olelo antthukulela murima aya etthu yoonanara! Nyuwo munaakhela erooho tthiri, masi imaara sinci-ene eyo ennivirikanya Masu, yiiraka, “Mahiku a miiriya aavira! Khekanle etthu ene eyo ntoko *ela* wala *ele*.” Muupuwele, owo xetwani oothereryaka oKristu. Muluku anikhaliherye naahimyaka yeeyo vahilekenle, wira moone, moone, wira eyo erooho yootakhala yothereryaka oKristu. Masi kehiyo Erooho ya Kristu, okhala wira Erooho ya Kristu enrweela Masu okathi wothene. Owo khokhanle okhoottaka Masu Awe Mwaneeene.

<sup>83</sup> Vano, okathi oKristu ophiyalaya oRooma, Rooma, muttethe ene yoowo w'oRooma, yaahikhala mampa ookokhorela a epakawu imiya xexe muhina mwa nikokoro na ikilomo muloko ni emosa. Mampa ookokhorela a epakawu imiya ixexe, vano awo yaari a amuluku alopwana ni amuluku athiyana. *Amuluku alopwana ni amuluku athiyana*, “athiyana n'alopwana.” Amuluku, imiya xexe oovirikana. Muupuwele yeeyo, imiya xexe!

<sup>84</sup> Vano, ti yeeyo Paulo aaphwannye awe okathi aaronwe

awe oRooma. Ti yeeyo Akila ni Prisila yaarinasaaaya okathi yaarumasiwe aya okhuma oPentekositeni khupacerya ekereja oRooma; ti yeeyo yaaphwanyanse aya, okokhorela wa epakau amuluku eethiru. Yaahikhala atthu oophiyaka imilyawu piili oRooma, oRooma muttethe muulupale; eyo ti wii, ipottha, ni ale a mukerekhere wa ipooma, ni akina, oophiyaka atthu imilyawu piili. Masi makokoro yaamurukurerya oRooma yaarina ikilomo mulolo ni emosa. Ni muhina mwa ikilomo iyo muloko ni emosa, waattamelaxa vamwaako, yaahikhala mampa imiya xexe a epakawu, w'amuluku alopwana ni athiyana a epakawu.

<sup>85</sup> Vano, kaatthuna kilavule va okathi vakhani paahi mwaha w'etthu kikuminhe-aka mwa awahala, ni kookhalana emosa vaava va ni miyo. Enamuna awo yaakelaaya mookokhorelani, yaaphiyeryaka sayi mookhorelani? Pakawu aarowaka sayi wookokhorelani? Etthu yoopacerya owo iraaawe waari orowa mpaani mookokhorela khumphwanya namukuttho, namukuttho pakawu. Vano owo aamunvaha yoovaha ya eyaattelo khata ya musurukhu, vano nto mukuttho, mwaamunama, wira amukurunuxe murima muluku aarowaawe olavula-no.

<sup>86</sup> Ni imaara sikina, mwa empa emosa mookokhorela, yaamukhala oovikana muthinto mmosa wa muluku. Yaanikhala "amuluku alopwana, amuluku athiyana," ni sothene sikina, empa mookokhorela emosa.

<sup>87</sup> Tivo namukuttho pakawu...Owo aamurowa wa yoowo anvaha musurukhu, nto namukuttho pakawu anvaha eveela, eveela ene pure ya makhura a inama. Vano nto mulipaoookokhorela aavarela eveela yeela, vaamalaawe omuliva namukuttho, aakuxa eveela ela n'urowa mpakha waltaari a muluku ula owo aatthunaawe olavula-no. Nto waltaari va waakhala mooro, vaavo mukuttho waapahiwaaya. Vanawoni va etthontto, empa mookokhorela yuulupale ya eporonse, ahiiso—ahiiso muluku eethiru, nto owo aakuxa emp-...eveela yeela khupattiha ni mooro wa waltaari, mooro wa waltaari a muluku eethiru, owo aapattiha eveela ni khuuramela waattamela va—valtaari ohoolo wa—wa muluku eethiru, khupweha eveela awe. Nto nuumala opweha eveela...

<sup>88</sup> Miyo kinoona wira yaari siiso muluku khata eriyari y'amuluku othene akina aasuwelaawe itthontto xeeni saarinaaya ovolowaka, moosuwela, wira otthike olavule ni yoowo. Mwaha wa eveela, miyo nkisuwenle. Masi owo aahela eveela yoopattihiwa ni mooro wa waltaari.

<sup>89</sup> Vano nto owo aanitthikela vathi v'empa, ni vaavale owo aakokhorela vathi. Nto vale aahela munepa awe wothene, ikuru sawe sothene mmavekeloni mwawe, ni onvekela muluku ola muulupale a enamuna emosa, waamini woopakiwa, muluku a ethale, onvekela muluku ola wira akhuruwele elatarato ela ni alavule ni yoowo.



90 Yoohimmwa wira “Mmosa wa mamwene aaniwerya okokhora mwa enamuna emosa ohoolo wa elatarato ya Apolo mpakha hata vaaweryawe ohimya wira aaniiwa masu erwaaka okhuma mpa- . . . okhuma mwa—mwa muluku eethiru, omwaakhulaka.” Akokhoraka!

91 Nyuwo mwaamuhimya ya yeela, “Munna Branham, owo aaniiwa nsu?” Miyo nkinihoverya wira aaniiwa, masi naari nsu na xetwani. Khiyaakhanle etthu ene eyo ntoko Yupiterere, muluku, ni amuluku ala othene akina awo yaarinasaaya.

92 Masi awo yaanikokhora, ni yaakhala vaavale ni omukokhorela, omukokhorela muluku ola a mitikiniho awo yahaasuwelaaya etthu ya yoowo, erooho awe eryeene mwa muluku eethiru yoonaaya wira owo aanilattana ni yoowo. Awo yaampakela elatarato, nto eyo yaaniphwanya ocaliwa ni yoowo.

93 Nuumala yaavaha yoovaha. Nto okathi aakhalaawe ootannyeya othene moowuukhuwani mu, owo aaniwela-tho ohoolo wa muluku eethiru okathi ola namukuttho pakawu aamuruuhelaawe yo—yolya ni yoowurya, ni ohela vanawoni va muluku eethiru. Vano nto. . . (Vano, miyo ki . . . kookhalana yolempwa vanikukhuni va, kinsoma vaava va. Munnona?) Vano owo aanuuramela vanawoni va muluku ola eethiru, ni okuxa yoovahiwa ya yoowurya ela ni owurya vakhani, ni aamuluma vakhani yolya, nto nuumala aaitthela vanawoni va muluku eethiru.

94 Owo iira exeeni? Aapatthana n’axetwani; opatthana n’axetwani, amuluku alopwana ni athiyana eethiru. Paahi e—ethoonyeryo yoowooniherya paahi ya muKristu apatthanaka ni Kristu, alyaaka ekomunyawu. Eyo yaari etthu emosa ekereja yoopacerya wala anawetta oopacerya a Ehapari yooreera (yaaruule oRooma) yaaphwannye aya, yaari na atthu ala mwa enamuna yeela y’okokhorela.

95 Pahali aari muluku oosuwelaxiwa a okathi wothene, a amuluku eethiru, aari Pahali (P, a piili, l), owo aari muluku-nsuwa. Vano nto aahikhalana mwa—mwaar’awe, muluku-mweeri, muluku muthiyana, Ishtar, I-s-h-t-a-r, Ishtar. Nave-tho onromoliwa, A-s-t-a-r-t-e, “Astarte.” Ori vamusurukhuni w’oRooma. Owo iitthaniwaka muluku muthiyana, muluku a nsuwa, wala, “pwiyamwene a wirimu, mayi a amuluku,” muluku-mweeri. Nto muluku-nsuwa aari Payali.

96 Ahe, apakawu othene ntoko yaakokhorela nsuwa nenlo. Hata aHinti yiira etthu emosaru yeeyo okathi—okathi ophiyalyahu, khumphwanya Amerika nno, okathi Amerika okhalihiwaawe. Vaphiyalyaya, axitiithi vaphiyalyaya nno, yaaphwannye wira awo nlelo yaakokhorela n—nsuwa. Okhala wira, mwa yeela, awo yaanikokhorela.

<sup>97</sup> Ti siiso awo yaakokhorelaaya amuluku alopwana ni amuluku athiyana oRooma, okathi aKristu aphiyalyaya oRooma.

<sup>98</sup> Vano, mmukwahani mwaka, kooweha wira waakokhorela amuluku eethiru khovirikanne. Ni nnakhala oKristu w'ekeekhai khovirikanne. Soopiili sinkhala vooপুরoni vaya, ni sinookhala mpakha Orwa wa Pwiya Yesu. Kaatthuna kilavule vakhani paahi ya yeela, wira mukhalane muupuwelo, ni nyuwo mwakhala a erooho vekeekhai munoosuwela saana.

<sup>99</sup> Okhala wira Pahali aari muluku-nsuwa, ahe, mikatthe saapakiwa...Ni Yeremiya oohimya va, noolavula okathi vakhani ovinre, wira athiyana yaampakela mikatthe Pahali, muluku nsuwa. Tthiri, ennooneya ohoolo vakhani, wira vathi saana va ekapiitulu, mwasoma vale, wira yiirale, "Naahimukokhorele Pahali vano soolima sahu sinoohononeya, okhala wira Pahali aari muluku a oruwerya." Mwa moolumo makina, "Noosuwela wira nsuwa ti nininnuwiha soowaaliwa."

<sup>100</sup> Masi profeta aahaaleela, "Mwaha wo wira muroomuhiya Muluku, mwaha wa yeeyo soolima sanyu sihininnuwaya."

<sup>101</sup> Masi awo yaamukohorela Pahali, yaahimya wira yaamukokhorela, onvaha soovaha yoowo.

<sup>102</sup> Vano, Pahali akhala muluku oovilikeya... (Vano, nvare ela, nuulumo nnuulumo, nto munoosuwela saana ele ekina, emalelo ya Mutthak'ola.)...muluku aari muluku oovilikeya, muluku nsuwa, awo yaarina mapawe maalupale a eporonse yooneeleya nsuwa ni yaakhala ntoko mooro. Vano nto mukatthe Yeremiya ohimmyawe va wira awo...athiyana yaamooxerya mikatthe iya Pahali, saapakiwa soovilikeya ntoko nsuwa. Ahe, nto, iyo saapwehiwa valtaari, altaari a epakawu, wira sikhale sa ekomunyawu, ni soopakiwa soovilikeya ntoko nsuwa wala ntoko mweeri, okhala wira aari muluku nsuwa wala muluku mweeri.

<sup>103</sup> E...Payali aari, nihimye ahu, "Ti muluku a oruwerya wothene, owo onninnuwiha ithu sothene."

<sup>104</sup> Vano, Ekereja yoopacerya yaahikumana ni yeeyo okathi ephiyalyaya oRooma. Ni ennihimmwa ni waaminiwa ni ekereja y'oRooma, wala ni ekereja olelo, wala ekereja Katolika y'oRooma, yeeyo enihaniwa "Katolika..."

<sup>105</sup> Hiyo othene n'a *akatolika*. Hiyo n'a ekereja Katolika, hiyo n'a akatolika ya arummwa. *Katolika* enihimya "ya mulaponi mothene." Nto hiyo na Ekereja ya mulaponi mothene ya Wamini w'arummwa. Ayo, mulopwana. Wookhala ovirikana wa ikereja piili; emosa aya yaari katolika, ya mulaponi mothene, *y'arummwa*; ekina aya yaari Katolika *y'oRooma*.

<sup>106</sup> Ni yoohimmwa wira Petru...ahiiso enaaminiwa, wira Petru t'opacerinhe ekereja y'oRooma. Kintthuna Yoolempwa, kintthuna nipuro mukhanly'anyu ohimya wira Petru ootoko

okhala oRooma vathi va khula mikhalelo. Ntoko ekereja y'oRooma ehimmye aya wira, "Owo aari weiwo okhuma 41 mpakha 46."

<sup>107</sup> Ni, okathi ene yoowo, Klawutiyu aari mwene oRooma, yoowo aawirrinhe aYuta othene okhuma. Musome Miteko, kapiitulu 18, nto munimoona wira Paulo, okathi oronwe awe wEfeso, aahimphwanya Akila ni Prisila, yaawo vekeekhai yaari aYuta, ni yaarimoomolasiwa okathi wo olupatthiwa, ni yaarisa-tho oPalestina nno okhala wira Klawutiyu aahaaruma aYuta othene orowa, aKristu ni ortotoksa. Akila ni Prisila khutthokihasa ekereja oRooma, ni yaahaana okhuma mwaha wo owela wa Klawutiyu, aakuminhe ekereja yothene...ahiiso aKristu ni aYuta othene oRooma.

<sup>108</sup> Vano, "Petru oryeene pixipu a ekereja," ni kinoowerya owoonihani Yoolempwa, wira mpakha miyaakha miloko mithanu na miili mano, Petru khaatonko okhala ota wa oPalestina. Mwa Yoolempwa! Ni nyuwo muniira wira "Petru iiviwe oRooma, ni Paulo ohitiwe muru oRooma." Nlo nikano. Koosoma iliivuru sothene sinaahimya ale ookhwela waamini kiwenryaaka ophwanya, ni khiyaavo hata emosa wa seiyo enihimya wira Petru wala Paulo (mmoosa wa awo aili) iiviwe oRooma. Mwa iliivuru sa khalayixa sooloka s'ale ookhwela waamini nikanlyahu osomaka, khiyaavo hata emosa wa seiyo enihimya etthu ya yeeyo. Owo khiiviwe weiwo! Nlo nikano.

<sup>109</sup> Kiri va wira koonelihe opakawu, tivo hiyo—hiyo ninoorowa wira yeeyo ni mukhaliheryo w'Apwiya ni Masu Aya, moone, owoonihani paahi moota ekereja ery'aya. Nyuwo munaapwapwela "aKatolika!" masi mulipelele minuutu vakhani paahi.

<sup>110</sup> Vano, vano, ninnoona wira Akila ni Prisila (ntoko Yoolempwa) nuumala okumihasiwa oRooma, ekereja yaamukhaani yaahiwe ntoko ekwaasuni, othene yaari iwe yaari apakawu oorukunxa murima yaaruule mukereja y'eKristu ya oRooma, ekereja yoopacerya Akila ni Prisila ni anaitthoko akina yaakhalinhe aya, ekerej'ela ni yaalyinhe aya.

<sup>111</sup> Vano ninnoona wira, emalakaruru orowa, yaakhalinhe mapixipu aya ni khukuxa mwiixuttiho aya yaawo, vano nto awo khukhaliha...wira ephwanye ocaliwa ni mwene, Konstantino n'ale yaaruule ohoole waya, wira ephwanye ocaliwa, okhala wira yaahaana waaphwanya mamempuru iwe wira yiire mpantte wa politika wa elapo. Yaahiruuhiwa mamempuru a mukereja, ni yaakupaliwa ni olapa ("oreera voomalela") paahi, ahisuwelakatho ya Muluku waavikana atthu ala amosa-amosa hiyo nrinaahu wAmerika olelo aniiraaya; ntoko ohimya wa waamini paahi, yeeyo yaari yinci-ene awo omuhimya Kristu, Muluku mukina omuhiya muluku aya. Nto vaavo khukhaliha, meera eepakawu, mwa malamulo a ekereja.

112 Vano, namukuttho muRooma, vano awo khukhaliha ela yaakhelaka ni epakaka ekomunyawu, etthu yoopacerya yaakhumelenle waari opaka ekomunyawu, ohiya mukatthe woonyaanyiwa ntoko Erutthu ya Kristu, awo yaapanke *woovilikeya* ntoko nsuwa wala ntoko mweeri. Ni mpakha olelo nlelo ti woovilikeya! Vekeekhai. Nlelo ti oxitiya oovilikeya, ni nipattuxa noopwexakaseya na Erutthu Awe. Ti woovilikeya ni wootherenya. Anamukuttho aRooma olelo animuhela ooxitiya yoola oovilikeya waltaari ni animwiitthana “Erutthu y’ekeekhai ya Yesu Kristu.”

113 Vano, wookhala ohiwanana wuulupale varyari va a Episkopaale ala a mukhalelo wa osulu, ni siiso, ni ekereja Katolika eri vasulu va mwaha yoowo, vakhala wira ti Erutthu *y’ekeekhai* wala *enthoonyerya* Erutthu. Katolika y’oRooma enihimya wira “eyo Erutthu y’ekeekhai,” okhala wira ele yaari erutthu y’ekeekhai ya Pahali (muluku nsuwa) yooneleya munipattuuxani mmwe mwa eporonse ni yaapakiwa yoovilikeya. Khaavo hata meesa a eKristu arina mukhatte woovilikeya vaavo!

114 Vano awo yaatthuna orukunuwela onikhuma nsuwa, ni sikina, ntoko siirakaaya wo okokhorelani w’epakawu; ni waakeliha athiyana, ni sikina, ntoko yirakaaya kweekwe, ntoko apakawu wa muluku muthiyana, ni siiso. Vano amukuminhe Astarte khumuhela Maria, khumukhaliha pwiya mwene a wirimu. Amukuminhe Yupiter khumuhela Petru. Ni yaahaana opaka nikano, wira yiire yeeyo yaahaana . . .

115 Okathi Akila ni Prisila atthikanse aya, nuumala miyaakha muloko ni miraru sa oruma wa Klawutiyu, nto vatthikanse aya yaaphwannyanse ekereja aya ekelihiwe mowaakokhorelani amuluku eethiru, masi yaahinnuwa, khukhala yuulupale.

116 Wira yiire yeeyo, yaahaana omukumihya Bibilia voomalela. Vano, miyo ka mwIrlanta, kookhalana ele awo aniitthanaaya *Sookhumelela Sa Waamini Wahu* ekhanle ya namukuttho paahi, ni sikina. Ni koosuwela ela, ni mivaanelo n’anamukuttho, namukuttho khonrowa ovaanyihana Bibilia ni nyuwo, Bibilia eliivuru paahi wa owo. Okathi Pixipu Sheen ola ohimmye awe nno, soovira miyaakha soophiyaka miili, wira “Khula mutthu eeherya omwaamini Bibilia, waari ntoko weetta vasulu va maasi a marove.” Awo khammwaamini Owo! Apacenrye wu khwira, “Muluku ori mukereja mw’Awe, kahi Masu Awe.”

117 Namukuttho ola nno mphironi, aarweenle nvaanelo woohikhala khalayi, nno a Murima Woowaarya, aahikiirela . . . ahiiso ekerej’ela ephiro ela nno, kinooliyala t’evi iyo. Kinoona wira eniitthaniwa Murima Woowaarya. Owo aahirwa okikoha sa opatiiso, Mary Elizabeth Frazier aatthikenle ottuli khukhala muKatolika. Owo khwira, “Nyuwu moompatisa?”

Miyo khwira, “Ayo.”

Khwira, “Mumpatinse sayi?”

Miyo khwira, “Mwa opatiiso w’oKristu.”

Owo khwira, “Munihimya exeeni?”

Miyo khwira, “Ori opatiiso omosa paahi w’oKristu.”

Owo khwira, “Munihimya exeeni, opwinihiwa?”

Miyo khwira, “Ayo, mulopwana.”

118 Owo khwira, “Nyuwo murompwiniha nto mwa nsina na ‘Tithi, Mwaana, ni Erooho Yoowaarya?’”

119 Miyo khwira, “Owo kuhiyo opatiiso w’oKristu.” Miyo khwira, “Opatiiso w’oKristu onkhala opwinihiwa mwa Nsina na Pwiya Yesu Kristu.”

120 Owo khulepa. Owo khwira, “Nyuwo mwaamulaphela, ahiiso, nuulumo nla wa pixipu?”

121 Miyo khwira, “Owo ahiweryeke waamini nuulumo naka, ahikhalane.” Miyo khwira, “Miyo nkinlaphela hat’etthu.” Munnona? Nto owo khwira. . . Nto miyo khwira, “Kahi wira kikhale owiisoona, mulopwana, masi koosuwela wira Bibilia oohimya, ‘Muhilaphele erimu wala elapo ya vathi, okhala wira ntthatto na inawu Sawe,’ ni siiso. Khivanthuneya hiyo wira yeeyo.”

122 Owo khwira, “Yootikiniha, ekereja Katolika yaapatisaka siiso.”

Miyo khwira, “Liini? Liini?” Munnona? Masi awo anihimya wira awo yiiraka siiso.

123 Okhala wira, voohithepya, awo yaahikhala, ni hiyo othene naari mmosaru wopaceryani, ni epacerelo enikhuma oPentekositeni. Eyo yaari epacerelo ya ekereja yoopacerya khula nipuro, khula mutthu onoowerya ohimya ya yeeyo. Ekereja y’oKristu epecenrye oPentekositeni, ni musuwelelo wa pentekosite, atthu apentekosite, opatiiso wa pentekosite. Sothene sikhumme ekereja yoopacerya oPentekositeni.

124 Vano, nwehe. Vano, ninnoona nto wira awo yaahaana ohiya mwiixuttiho wa Bibilia wira akhalane itthu iya wira yaasivelihe mamwene ni sikina, wira yaakupali apakawu.

125 Vano, nkawehani. Petru aari muYuta. Eyo ekeekhai? Mwaamuwerya omutthokelela Petru Oowaarya akumihaka muupuwelo wo waapaka amuluku eethiru mukereja, muYuta aakhoottihwe hata omuwaha muluku eethiru? Mwaamuwerya omutthokelela owo airaka etthu siiso? Petru nnari! Mwaamuwerya omutthokelela owo airaka, “Soolepwa saka sothene ottuli wu wopaceryani saari soovonyeya sothene, kinooriha vano. Kinrowa okhala ntoko erooho mukereja mu y’oRooma, ni kinrowa opaka. . . .”?

126 Ahe, aamukhala mutthu oorukunxiwa. Tivo, wira yiire yeeyo, awo yaahaana opacerya nikano “Petru ovithiwe mukereja

aahiyenrye sooruma sothene yaawo, ni wira awo yaari ekereja Katolika yoopacerya.” Awo khahiyo! Khiyaavo hata Yoolempwa, khiivo hata ehantisi nnakhala etthu wira elipiherye; hata etthu. Awo khayaari.

<sup>127</sup> Nto namukuttho ole eepakawu a ekereja yoopacerya y'oRooma onoolikana vekeekhai ntoko ole oolelo. Awo anaamini wira mukatthe ole ti erutthu ya Kristu, wira mwa enamuna emosa Kristu onookhuruwa ni okela munipattuuxani nle na mukatthe waltaari (yoowo makhule anrowaaya okuxa ohiyu). Munnona? Mwaamini. . . Nto mwaha wa yeeyo aKatolika anaamini aya wira muhaana orowa okereja wira mwakokhorele, okhala wira “Muluku ori mukereja mmwe.” Mwaha wa yeeyo awo anuuramaaya ni opaka nlepa na mwiikimanyo, mukerekhere mwa ekereja, okhala wira “Nipattuuxa nle na mukatthe Muluku.” Kehiyo hat'etthu woohikhala ethoonyeryo ya muluku nsuwa Pahali, khiiyao hata Yoolempwa wa yeeyo nnakhala! Ayo, ooxitiya ole oovilikeya waltaari.

<sup>128</sup> Vano, tivo, awo khakupanli mwiixuttiho w'eKristu yoowo Irinewu, Policarpo, ni axinna ale oopacerya, Paulo. . . Ninnoona wira, mwiixutti muulweenexa aari. . . aakhanle okathi munciene, aari Yohani. Owo aahoomoliwa miyaakha miraru, oPatimu, okhala wira aahikhalana exikola. Owo aamulaleya ahiiso okhaliha oratteene Masu a Muluku, atakanxaka Yaawo, Ipaphelo. Awo yaamphwannye owo ni anamasoma awe yiirasaka yeeyo, nto awo khumoomola mwa miyaakha miraru (nuumala okhwa wa mwene owo aahihokoloxiwa), vano nto owo khulepa Eliivuru ya Wiisuupulula.

<sup>129</sup> Ni olavula mwaha wa “Muluku mukereja mw'Awe ahiiso Muluku mwa Masu Awe?” Bibilia ohimmye wira Masu ti Muluku.

*Wopaceryani naari Nsu, nto Nsu naari ni Muluku, ni Nsu naari Muluku.*

*Vano Nsu nihiiipaka erutthu, khukhala ni hiyo, . . .*

<sup>130</sup> Ohiya eyo, khula mwiixuttiho wa khula ekereja, okhale w'ePatista, Prespiteriyaano, Metotista, Pentekosite, wala enakhaleru exeeni, ohinkhala leetera ni leetera ni Bibilia ola, ti woovonyeya! Maana Yohani oohimya oSisiro y'oPatimu, Erooho Yoowaarya, ahiiso Kristu alavulaka ni yoowo, oohimya ela, “Akhala mutthu onrowa okumiha etthu mwa Yeela wala waacererya etthu Mmo. . .” Vano munrowa waacererya sayi ineneeryo iya s'epakawu so waakokhorela amuluku eethiru, mwaakhalihaka amuluku araru wa Mmosa, ni myaha iya sothene sikina s'epakawu yeeyo Ekereja yoopacerya ehinatoko aya wiixuttiha ni yaari yoovirikanya yeeyo?

<sup>131</sup> Muthukumano w'oNicea, sinto Owo aari itthu tthaaru wala etthu emosa, ovaanyihana wuulupale, anamakhwela waamini khuphiya weiwe, akina wa awo ni—ni. . . Mutthu mmosa,

pi—pixipu, alaleyi apentekosite, mwaha wo owiixatherya matata aretta, yaahela ekopo yooviha mmoononi mw'awe ni opurula miyoono sawe so. Akina, yeemenle-ene, vaavo yaamukuxaaya xoowa n'ukumiha maitho awe, yaakhala ntoko nikhuru n'anamakhwela waamini yaakhaliherya Masu ala! Aleluya! Awo aatakanxa ephome aya ni maprofeta a khalayi. Masu ala, munna, Ala Masu a Muluku.

<sup>132</sup> Okathi apakawu ala arukunxale aya murima, yaaruuhale ineeneryo ya m'oKristuni. Awo khanwerya-tho omurumeela Bibilia, okhala wira Bibilia onnooneliha eyo. Nto olelo awo animooleelani...wira khanimwaamini Yoowo. Awo aniira, "Vaareera, masi ekereja ti masu maalupale."

<sup>133</sup> Ahe, hiyo ninnoona etthu emosaru ni aPentekosite. Muhaapwapwele "aKatolika," okathi hiyo niryahu oottheke ntoko yaawo, aMetotista, aPatista, ni khula mmosa a yaawo.

<sup>134</sup> Nyuwo aMetotista, ooreeraxa murima, mmwiivenle-ni Joseph Smith nto? Ola Amerika ni ehaakhi y'okokhorela. Nkinaamini etthu Joseph Smith ohimye awe masi khamwaarina ehakhi yo omwiiva, khweeli, Mormon.

<sup>135</sup> Nyuwo aPatista, akavi mwaakhuneenle anyu? Akina wa nyuwo?

<sup>136</sup> Ni aPentekosite, oottheke ntoko akina aya, ankhala oowiikuxererya ni nikuttha na enamirima miili. Nto ohiya wiiveviha ni owerya wa Erooho, murina Masu muhirina Erooho. Ni muniruhaxa ohonona ovikana mwaakhanle ntoko akina. Mutthikelaka mmeerani mwaya a epakau ni inamuna sothene sa akhili a oraaru, ni itthu sothene iya sikina, khimunwerya wooniherya eyo ni Masu. Masu t'ovirikana ni yeeyo. Yookhupanyereya, yookhupanyereya!

<sup>137</sup> Tivo awo apakaly'aya ekereja yoopacerya y'oRoma, oKristu, awo yaahaana omuhiya Bibilia; ni wira akuxe meera ala, wira yiire yeeyo, yaahaana okhalana enamuna emosa ya mulipiheryo, tivo awo khwira, "Petru aari paapa oopacerya a oRooma. Ni nlelo enkhalasiiso," annihimya. Ahe, nrowe nihimye wira aari yoowo, kiireke wira Petru aamutthikelala ottuli mwa Masu a Pentekosite? Mwaamuwerya omutthokelela muYuta aahelaka amuluku a ethiru?

<sup>138</sup> Ni okathi onweryaaka owooniheryani ni Masu oolempwa a mBibiliani, voolikana mahiku ni miyaakha, wira Petru khonakhumeke oPalestina woohikhala emaara emosa (khurowa oPapilooniya waattamela muratthi Eufrate), khonakhaleke oRooma, voolikana ni Soolempwa, SIISO ANIHIMYA T'APWIYA! Wothene owo muupuwelo w'epakawu.

Vano ninrowa oruuha eyo mpakha moPrustanteni.

139 Nkanweheni Pentekosite, voohikumihha Masu. Mukhale ni Masu awo nto munookhalana exariya okathi wothene; mukhume Mmasuni mmo, munoorowa khula nipuro.

140 Nno okathi vakhani ovinre vamuthukumanoni muulupale ni exikola yuulupale ya Pentekosite, muthiyana mmosa aarovenya, alavulaka ilavulelo, khuthikileiha wiitthana wa waltaari. Nto ohiy'ule okathi ohokolonwe aka, Billy khukumana ni miyo vale, owo khwira, "Moosuwela? Muthiyan'ole ohimnye wira aahikhalana mutthaka mukina aarowaawe ovaha ohiy'ula."

141 Nto miyo khunweha muthiyana, maihi ookhuveya, evestiitu yootita saana aakhala wira aarimwiiwama wira akele-mo, okilaanthe-ene vale alokihaka maihi awe, apurulelaka ipiiyuka sawe osulu, kaahisuwela wira aarowa ovenya. Vano owo khuvanya, nto miyo khwira, "Mukilaathi." Owo khutthikela paahi. Miyo khwira, "Munnikiiwa? Mukilaathi!" Oh, wulu.

142 Vakhumme aka ohiyu ole, yaahikhala axexe wala athanu wa aximiravo ale ni yoowo yaakumanne ni miyo, khwira, "Nyuwo mooriihiha murima Erooho."

143 Miyo khwira, "Khula erooho kinriipihhaaka murima ni Masu a Muluku ehaana oriipihha murima." Miyo khwira, "Bibilia khonihimya wira erooho ya maprofeta enimwiiwelela profeta? Eyo yaakhalelaka onamoona, okhalaka wira oprofeta ti—ti. . . Olavula ilavulelo ti ohimya s'eprofeta yataphuleliwa-ru." Miyo khwira, "Vano alipelele mpakha miyo kimalihe, nto alavuleke."

Owo khwira, "Masi muniixuttiha Masu."

Miyo khwira, "Ti yeeyo eneemereryaaka."

144 Owo khwira, "Owo aahikhalana etthu ya naanaano ni esya okhuma Wirimu, etthu yoovirikana ni Eyo." Eyo yaahikhale otthikela eKatolika y'oRooma nkisuwenle exeeni iyo!

145 Moolumo othene a mutthu akhale oowootha ni khula erooho ekhale wootha, nto Masu a Muluku akhale Ekeekhai. Masu a Muluku t'opacerya!

146 Mulattu ene olelo, okhala wira sirookhala miyuupululo sinci-ene n'itthu soowootha. Okokhora iwo ni waatthukulela murima axetwani, ohiya okhala ni Masu a Muluku. Ti vaavo vari mulattu, owo ti mulattu. Atthu, a nneema, a xariya, atthu ooreera murima, masi khankupali waahimeerya etthu. "Ahe, hiyo ninaamini *ela*, ntoko atthu aPentekosite." "Hiyo ninaamini *ela*, ntoko atthu aPatista."

147 Miyo kinaamini Ila okhala wira Masu a Muluku! Miyo kinnimutharamula mutthu ti mutthu wira akivaanyihe mwa Yeela. Munnona? Ti yeeyo. Ala Masu! Mukhale ni Yaala, Ela ekeekhai!

148 Vano yaahitthokihhiwa ekereja yoopacerya, ekereja Katolika yoopacerya y'oRooma. Ni ohiya wiitthaniwa e. . .owo *pixipu*, yeeyo kweekwe yaamwiihanaaya, vano awo animwiihana



“Phaatiri.” Awo nlelo anniira. Ni annihimya va, “Muhaana okupali, wira ooxitiya ola *ti* Erutthu ya Kristu. Ni, mwa mwaha ola, namukuttho ti muluku, okhala wira Muluku ohaana wiiwelela nsu na namukuttho onimurukunxa ooxitiya ola khukhala Erutthu y’ekeekhai ya Kristu.” Vano nto atthu oosuwela anoohiya okelihiwa eyo vammilo! Oh, wulu! Oh, moota...

<sup>149</sup> Masi alipa-ookokhorela eekeekhai, mapixipu eekeekhai, yaahanle ni Masu. Awo yaahikuxa mukhalelo aya Omuthukumanoni weiwe w’oNicea, yaahikhala ooweemeruya Masu awo weiwo. Ayo, mulopwana. Awo yaaruule ntoko anamakhwela waamini, itthu sothene sikina, masi yaahikhalasa ni Masu ale. Awo khayaatthuna hata okokhorela w’ethiru nnakhala.

<sup>150</sup> Ni kintthuna wira mutthu akoonihe vatthu Patrisiyu Oowaarya aaryawe muKatolika muRooma. Khekhanle etthu ene eyo! Owo aahivaanyiha ekereja ele y’oRooma. Owo aari musulu awe Martin Oowaarya. Miyo kaamusoma va, mu... muthiyana mmosa olempe e... Hazeltine, Muhano Hazeltine, *Sookumihwiwa sa Muthukumano w’oNicea*, ohimnye wira aahirowa opapheloni Oxford woona e—epaphelo ya, okuxa, *Makhalelo a Martin Oowaarya*, nto mutthu ola khwira, “Masi owo khokhalihwiwe santu ni ekereja y’oRooma.” Vekeekhai nnari, owo aahivaanyiha etthu iyo! Ni Patrisiyu Oowaarya nave. Mutthu aakhanle ni Masu a Muluku aatenke ixikola saya, yaarimwiihuluxa itthu iye.

<sup>151</sup> Vano, ninnoona, wira ti siiso olelo. Ekereja y’oRooma entthikela erowaka ni mukatthe aya woovilikeya, yaaminiki wira Kristu onnikhuruwa khukela-mo. Ni, nwiriyane, moosuwela wira namukuttho onniwurya eviinyu? (Nave, arineene owuryaka mmosa ni mukhwaawe, “Owo aahaavaha ekoopho mmosa ni mukhw’awe.”) Masi, mwa mukhalelo w’epakawu, anamukuttho anniwurya eviinyu. Munnona? Nyuwo nlelo... Yothene eyo epakawu! Voolikana. Awo khancaliwa.

<sup>152</sup> Awo animooleelani, “Miyo nkinrowa olavula ni nyuwo sa Bibilia.” Murumeyi ule, wala namukuttho, aahikileela iwe, khwira, “Mwenye Branham, nyuwo muneererya olavula sa Bibilia mmosa, miyo kinlavula sa ekereja.”

Miyo khwira, “Muluku ti Masu!” Ekeekhai. Vano, vaareera.

<sup>153</sup> Hiyo ninnoona mwa yeela, mpakha olelo, wira mwaha wa yeeyo ekereja Katolika y’oRooma erinaaya orowaka okereja wira yakokhorele. Awo aniixuttihiwa wira “Muluku ori mooxitiyani yoola oovilikeya, ooxitiya mutapernakulu.” Munnona? Khamunwerya woona wira eyo ti y’epakawu? Tthiri, ti yeeyo.

<sup>154</sup> Khamunwerya woona wira atthu ankhalihwa khula etthu—khula etthu yoovirikana ni Masu ala t’a nikhuru nimosa? Bibilia khohimnye, mwa Wiisuupulula 17, khoitthanne ekereja

Katolika “namuttompe”? Khowiitthanne aPrustante mai a... wira owo aari “mai a anamararuwa”? Ethhu emosaru! Owo onkawa mwiixuttiho wa muhasa awe wa soonanara soowuuliha muru sa oraruwa wawe, ottakatta ni soonanara, yoopakiwa ni mutthu pure, ohiya Masu a Muluku mukumi akhanle eekeekhai ni oohihononiwa.

“O Muluku, munimorele ikharari,” ti mavekelo aka.

<sup>155</sup> Irinewu iirale, miyo koolepa yoolepa va ya ethhu owo ohimmyawe, iirale, “Masu a Muluku ari ntoko ethukumanyelo yooreera ya maniya ooreera ni maalupale aheleliwe wira epakiwe ethhontto ya Mwene muulupale, oowerya. Masi,” khwira, “iyaaminelo, makano, miromolelo, sinookuxa maniya ale ooreera ni opaka yeeyo ekhalelo ya mwalapwa, ni omoototha ole ohinsuwela Masu. Awo aniira eyo wira ahonone iphiro sa Muluku n’uruuha oveehiwa mwa Yeeyo.” Aleluya!

<sup>156</sup> Nyuwo mweereryaka wiiraha Masu a Muluku ohimya ethhu wira elikanele mutthenkeso anyu, munikumihya maniya v’Erutthuni va Mwene muulupale ni okhaliha eyo elatarato ya mwalapwa, wala ya khwatte, wala ya ekuluwe, wala ethhu, siiso. Ni munimoototha ole ohinsuwela Masu.

<sup>157</sup> Aleluya! Aakhala akina arina Erooho ya Muluku, ankhala oolipa mwa Masu oowiipaka erutthu. (Muluku, owaacererye mamempuru ahu.) Masu, hat’ethhu woohikhala Masu! Mukuxe Masu awo vaavo Yesu ohimmy’awe mmo, “Erimu yothene n’ilapo ya vathi sinoovira, masi Masu Aka khanvira.”

<sup>158</sup> Vahimmye aya wira, “Mpatise mwa Nsina na Pwiya Yesu Kristu”; awo ankhaliha “Tithi, Mwana, Erooho Yoowaarya,” amuluku araru mwa Yaeyo. Awo ankuxa inamuna sothene sa makano, ni opaka inamuna sothene sa itthu, ni oathela ohiya opwiniha. Sothene! Ankhaliha muthinto mmosa wa nipuro noowiiwolowa, ohiya ohela Vanniyani, mwa Mwene muulupale, Kristu.

Oh, Aleluya! Owo ti Muluku oowiipaka erutthu, Kristu!

<sup>159</sup> Awo anoohonona iphiro sa Muluku. Mwaahiye atthu yitakanihe ekereja, athiyana ni maihi oometthiwa, yiisoottihale-ene itthu wiitho, ni ivestiitu soowooneya wuuliha muru. Alopwana ookenyeyaxa, animuhiya muthiyana oweettiherya iwo aavanre naaru. Anoorwa okereja ni omweetta cuuku, ni inamuna sothene sa itthu soonanarasa. Ni alaleyi ni siiso mukerekhere, ni athiyana epwitipwiti ni ikuwo s’orapano ni arowaka orapelela, yaavuraka asikaro, ni wiisihana “arumeyi a Muluku”; empa ela ekhanle-ene empa yoowaarya enivahereriwa wa Muluku, kahi soonanara sa olumwenku. Eyo eekeekhai. Masi arookuxa maniya a Muluku khukhaliha ekuluwe, wala khwatte, wala mwalapwa, wala nipwesa, wala ethhu, ni anaalyiha yeeyo ale oohisoma, oohisuwela ethhu.

160 Kooxukhuru, Doc. Kaahikhalana nleeso nimosa va masi nkuupuwelenle, ovarela muteko.

Ayo, ti yeeyo aniiraya. Irinewu aari ookha—ookhalanaxa exariya.

161 Muluku onuupuwela exeeni wa yothene ela? Eri ntoko awo yeerenryaaya ohimya, “Oh, eyo khenimucala Owo”? Tthiri ennimucala Owo! Ennicala.

162 Owo aamuhimeeryenle-ni Yeremiya itthu Owo saahimye awe nto? Owo aahimyenle-ni yeeyo? Ennicala. Muluku ookhalana enamuna.

163 Ankhi Moise iirale, “Miyo kinoorula exapheyo aka ohiya ixapattho saka”? Owo khaakhalakhala oonaka yoowoona. Muhaana orwa ni enamuna ya Muluku. Muluku ookhalana enamuna.

164 Khasireere saakhanlyahu ohimyaka. Nrowe nikhunle Yolempwa emosa paahi va. Kookhalana sinci-ene silempwe. Nrowe nikhunle Mothakoni 25, minuutu mmosa paahi. Mothakoni 25, noone sinto eyo—ennicala etthu wa Muluku, wala nnari. Nrowe noone sinto ennicala, sinto iyaaminelo iya, makano (ni sikina) sinnicala. “Owo Muluku ooreera murima, Owo onoohiya etthu yothene.” Owo khonihiya! Owo onookola eliinya ni oviriha epurumu, ni muhaana ophiyerya Yeeyo.

*aIsarayeli yaahimaka oSitimi, vano atthu yaahipacerya oraruwa ni axithiyana a oMowabi.*

(Nwiryane!)

*Vano awo yaahaalattula atthu wahelela mukuttho amuluku aya: nto atthu yaahilya, yaahaakokhorela amuluku aya.*

*Ni Isarayeli aahitakanxa ni Pahaali-peyori: nto APWIYA yaahaaviruwela vanci-ne aIsarayeli. (Khivanxankiha Owo iiraly'awe “Muhaavekeleleke atthu ntoko awo”! Huh?)*

*APWIYA yaahimuleela Moise wira, Mwaakuxe makhulupale othene aatthu, mwaahophe ohoolo w'APWIYA othana, siiso ehasara ya APWIYA enoomala wa Isarayeli.*

*Nto Moise aahaaleela aphuki a Isarayeli, Khula mutthu awiive atthu awe a . . .yiitakanxale ni Pahaali-peyori.*

165 “Mmwiiwe khula mmosa!” Muluku ontthuna okhala Muluku, nto aahikhale Muluku Owo khonrowa okhala nipuro naneili. Owo khorina omuhiyaka Pahaali (ni nikano noopakiwa ni mutthu, ni eyuupuwelelo ya mutthu, wala muupuwelo mmosa wa eyaaminelo, wala muupuwelo mmosa wa mu—wa muromolelo) okhala mphironi mwAwe, Owo Mulukuu ni hata ni

maluku ala Owo onniwerya otatuxa okhala aana a Abrahamu. Owo khorina okhalanaka miromolelo sanyu. Owo khorina okhalanaka makhuru anyu maalupale n'ixikola sanyu n'itthu siiso. Owo onkuxa ele Owo okhanly'awe okuxaka mmatatani mw'Awe, ehikhanle etthu, wiiseelela ephumu y'Ekumi mwa yeeyo nto enikhala etthu enrowa omurumeela Yoowo. Ti yeeyo enimukhaliha Owo Muluku. Tthiri, ennimucala Muluku.

Nyuwo muniira, "Khencala." Ennicala ayo! Tthiri, ennicala.

<sup>166</sup> Paapa Leo Muulupale, owo orumme okhuma 440 mpakha 461. Oh, owo uupuwela wira tthiri iira etthu yaari yooreera, khukela mukereja...Owo ohinatthi aari Victor, ni owo aari namathepya, nave. Ni owo aahikela mmo, ni moota owo aahenlyaawe aKristu mookhwaani ni itthu sothene sikina.

<sup>167</sup> Ni nto, taani aapacenrye sothene iya, ahelaka wiiva "voolikana ni malamulo"? Moosuwela aari aani? Akostiinyu Oowarya a oHipona, aari yoowo.

<sup>168</sup> Akostiinyu Oowarya aahikhalana mureerelo emaara emosa, voolikana ni ehantisi, wira akhale mutthu muulupale ni okhala oosareya Erooho Yoowaarya. Owo aakilaanthe wiithela wa niyate, oLion, Fransa, exikola ele yuulupale weiwo Irinewu iixuttihalyawe-wo, ni akina ni Martin Oowaarya. Owo aakilaanthe vaniyateni na exikola nto Erooho Yoowaarya khimurweela, masi owo khukhootta okupali Yeeyo.

<sup>169</sup> Vano owo khukhala exeeni? Vaara vaili mwaana a omooroni ovikana saary'awe opacerya wene, vano ovenya wene khuruwa oHipona, wAfrika nto weiwo owo khupaka exikola awe. Ni yaari...

"Mukoonihe!"

<sup>170</sup> Kinoowerya owoonihani ehantisi ene. Ti yoowo aahimmye nuulumu n'okupalela, wira "Khiwaari mulattu omuhela khula ookawaneya mookhwaani aarowa ohiiraana ni makano a ekereja y'oRooma," Akostiinyu Oowaarya a oHipona. Ookhala musomi a Bibilia va, wala mutthu osomme ehantisi ene, onsuwela wira eyo ekeekhaii, avenxe ntata? Ayo, munnona? Vekeekhai annisuwela. Akostiinyu Oowaarya a oHipona, ti yoowo aakupalenle wira "Khiwaakhanle mulattu owiiva ale ookawaneyya yaarowa ovaanyiha ekereja y'oRooma." Eemereryaka mwiixuttiho ole w'epakawu, wo omuhiya Bibilia, ni okhaliha okokhoreliwa wa muluku nsuwa. Moosuwela mwaha wa xeeni oKristu okhalenyaya...

<sup>171</sup> Munnisuwela vakumihwaawe Natale? Kristu oyariwe Aprili, masi yiiriwe exeeni? Eyeettelo ya nsuwa enrowa murimamurima vano okathi enihuluwaaya, khula nihiku nikhalka noorakamaxa, wala nookhuveyaxa vakhani, ni nookuveyaxa vakhani, nto okhuma mahiku miloko miili mpakha miloko miili ni mathanu ti okathi muluku nsuwa aapakaawe mwaakha. Yaari mahiku mathanu paahi vo, waari okathi awo yaakhalanaaya

esirku y'oRoma okathi ole, otthapeliwa wa oyariwa wa muluku nsuwa okathi ule. Nto vano munnoona etthu arinaanyu vano? Awo khwira wira, "Emukuxe 'muluku-nsuwa,' ekhalihe wa 'Mwaana a Muluku.'" Ni opacerya wene etthu yothene eyo ti ya epakawu! Ni atthu mmaiphironi ni ixapattho saya sa maxitha oorakama, ni anoonyokolowa nno ni mphironi, ni etthimakelaka mmaloocani.

<sup>172</sup> Nto nno nihiku nlo amwaar'aka yaamukileela, "Ookhala iirale, 'Nkisuwenle etthu yo waathumela Apaapa.' Khwira, 'Murokor'aka onrowa waathumela eliituru emosa ya wiskhi,' nto mukina khwira wira aarowa waathumela xampaanye. Ni mmosa khwira, 'Ahe, nrowa waathumela i-ikaruma sa cuuku.'" Omutthapela Natale, okokhorela w'epakawu, okokhorela wa xetwani! Vaareera.

<sup>173</sup> Masi Akostiinyu aahikupalela eyo. Mwatthuna ophavela yeela mwa Schmucker, mwa yoolepa ya Schmucker, S-c-h-m-u-c-k-e-r-s, *Orehererya Woovuwu* wa Schmucker, va t'ile ehimnye aya, wira "Okhuma okathi Akostiinyu Oowaarya a oHipona ovahalyawe eyaakhulelo ela ekereja Katolika, eyo yaahitthukula mikhora wira emwiiveke khula mmosa awo yaamutthunaaya nto, aakhoota ekereja ele y'epakawu. Ni okhuma okathi wa Akostiinyu Oowaarya mwa miyaakha soophiyaka imiya tthaaruu nuumala Kristu, mpakha 1850, wiivakasa wuulupale wa Irlanta, yaahikhala aPrustante imilyawu miloko mithanu na mirarau ni thanu na mosa yiiviwe ni ekereja Katolika." Eri mwa esomelo ya okhwela waamini ya oRooma, imilyawu imiya thanu na mosa ni imilyawu thanu. Vano munyakulihane ni nammulepa wahala, ti yoowo ohimnye yeeyo. Miyo kintthikela nuulumo nawe paahi. "Othene yaavaanyiha nikano na eKatolika!"

<sup>174</sup> Kahi *katolika*, nuulumo katolika, awo kha—awo khamphwanela nsina nlo. Awo aRooma apakawu.

<sup>175</sup> Kahi atthu ale ooreerela. Aakhala ikonto miloko sene a atthu ale iwe, a xariya saana ntoko ale. . . khula namakokhorela ethiru sikhanyawe. Awo anuupuwela wira animukokhorela Muluku, okathi (otthikela Masu) awo ari ni muluku eethiru ni amuluku eethiru mapuro othene. Munnona!

<sup>176</sup> Vaareera, naari nik-. . .nikano, nikano na oRooma. Ni, nwiriyane, kintthuna kihimye etthu emosa va. Kaamwiihooliha.

<sup>177</sup> Mwaakha wa 1640, mwaakha wa 1640, okathi wiireiye aya wiivakasiwa wa atthu wIrlanta, vathi va aphuki aRooma ni anamukuttho, oorukunxa murima ikonto emiya a Patriisiyu Oowaarya yaahiivakasiwa. Vakhala wira Patriisiyu Oowaarya aari muKatolika muRooma, vano xeeni akelaka wiivakasiwa atthu awe? Yaari aathu yaavara muteko mukaafirikani, n'itthu sothene. Ti yeeyo. "Ekonto emiya emosa," mwa esomelo y'ale ookhwela waamini, "yaavahereriwe okhwa okhala wira yaanivaanyiha mwiixuttiho owo."

<sup>178</sup> Kaahikhala ikereja kamosa-kamosa sa Patriisiyu Oowaarya wIrlanta Onkela ephayo. Ayo, mulopwana. Kaahikhalana mureerelo wo woona yeeyo. Yaari esaala yuulupale ni ya khalayi. Awo khayaarina amuluku ale etthiru yooniheriwaka, ni ayeeheryaka ithu munawoni mwaya, ni elivaka wira atthu ale atthike ni akele mwa muluku eethiru ole. “Maria, mutteeliwe, Maria, mai awe Muluku,” etthu emosaru awo yaamwiirelaaya Astarte (elowaka), erooho ya Maria.

<sup>179</sup> Iyaakha piili wala tthaaru sivinre ekereja Katolika t’epacenyeye aya nikano na naanaano wira “Maria oohihimuwa mw’alipa-ookhwa khurwa Wirimu.” Akavi anuupuwela yeeyo? Oh, othene anyu munnuupuwela, vekeekhai, ipaphelo sa ihapari saahisareya yeeyo. Makano! Etekiwe vasulu va makano, nave hata nlepa na Ekeekhai hata nipuro.

<sup>180</sup> Vano, nyuwo aPrustante munoolikana ni yaawo, munikhoota waakhela Masu a Muluku. Nlo nikano na ekereja Prustante siiso ntoko niryaya na ekereja Katolika, ni noovonya voomalela mpakha nitthikele Masu a Muluku mukumi! Ekeekhai.

<sup>181</sup> Nyuwo Asempeleya a Muluku, nyuwo a Ipantte xexe, nyuwo aPentekosite oowiiraana, a oraaru, wala etthu p’itthu mukhanlyanyu, mutthikele Masu a Muluku! Mwaahiye amosa-amosa wa amuluku ala eethiru nno, itthontto sa muromolelo. Awo animwiilowa (erooho ya xetwani) akelaka mwa amuluku awo eethiru a muromolelo. Moosuwela eyo? *Muromolelo* “muluku eethiru”!

Nyuwo muniira, “Nyuwo mwa muKristu?”

“Ka muPrespiteriyaano.”

“Nyuwo mwa muKristu?”

“Ka Mmetotista.”

“Nyuwo mwa muKristu?”

“Ka muPentekosite.”

<sup>182</sup> Eyo khenihimya etthu ovikana saarowaanyu ohimya wira mwa “ekuluwe” wala “mwalapwa” wala “kattupu,” kherina naata n’Iyo. Ti yeeyo. Etthu entthunaahu olelo: otthikela Masu a Muluku!

<sup>183</sup> Vano, wa anamuteko ala a okaafirika ni atthu ooreerelaxa wIrlanta Onkela ephayo, vakhala wira Patriisiyu Oowaarya. . . weiwo ixikola sawe sothene saaryaaya. Moosuwela, nsina nawe khaari Patrisiyu? Nsina nawe naari Succat. Owo aarootthyawihiwa ayeene mwanamwane; axirokor’awe yaarimwiiviwa. Nto owo aahitthika, okhala wira owo aaxuttiha alapwa wira yikareke ikuluwe ni siiso, siiso owo—owo—owo—owo aahiira, vairalyawe siiso, nto awo. . .owo aahiphwanya ephiro awe y’otthikela owaani wa atithi awe ni ame awe. Vano owo khupacerya exikola. Ni exikola wIrlanta Onkela ephayo

kheanamukupaliki paapa ntoko mukhulupale oomuranttela Muluku, awo khayaamini eyo. Awo yaakhanle ni Masu. Muluku amureerihe santu ole ooreerihwi, Patriisiyu Oowaarya, mulopwana muulupale.

<sup>184</sup> Ni nyuwo munniwiiwa awo wira “Patrisiyu Oowaarya aahitthyawiha inowa sothene wIrlanta.” Mmusome wahala nto moone yaari exeeni. Patrisiyu Oowaarya aanaamini olavula ilavulelo. Patrisiyu Oowaarya aanaamini ovara inowa wala owurya itthu siniiva; ni okathi aaweryawe ovara enowa ni orihela okumiha mphironi mwawe, yiirale, “Owo ootthyawiha inowa wIrlanta.” Okhala wira owo aanaamini ovara inowa, ni khiyaavo yaarowa waatakhalaha. Ayo, oh, vekeekhai.

<sup>185</sup> Awo khayaarinasa iye... ikapela iya suulupale. Nto etthu yaarowa—etthu santu aarowaawe... Irinewu aarowa wira exeeni olelo? Patrisiyu Oowaarya aarowa wira exeeni olelo, woona itoolare ipilyawu imiya sene sooheliwa mw’Ekatolika y’oRooma, wira sitekiwe ikereja suulupale ni itthontto sa itoolare imilyawu n’itthu sothene siiso ntoko maPrustante aniiraaya?

<sup>186</sup> Kaahihimya nuulumo nimosa nihiku nlo naaxankihale atthu othene, mwaha wa yeeyo kinvarelelaaka efiita ela. Mwaahiye mmansaya, mulipa-oohoona onimweettiha mulipa-oohoona, mwaahiye emorele mulittini. Ti yeeyo tu ekhanle wiiriwaka, moone. Okathi waahimenry’aka sa wiitthana waltaari, wira khiyaakhanle etthu ene eyo mBibiliani sa “wiitthana waltaari.”

<sup>187</sup> [Nipuro vahiitthu mufiitani—Mol.]... wa owaarya Wawe. Naaiyevihaka wa okhwa Wawe, niisoonaaka ohikhala etthu, vano Erooho Yoowaarya enimoorwa ni onivenxa. Ni khaniniiroromela mmansihu, okhala wira khaninwerya wira etthu, masi ni Yoowo ninoowerya wira sothene.

<sup>188</sup> Hiyo, oolikana ni Yoowo, elatarato ekumi ya Muluku mukumi. Exeeni nyuwo... Okathi muniivahereryanyu wa Muluku ni Muluku khukela mwa nyuwo, eyo enookhalihani exeeni? Elatarato ekumi ya Muluku. Kahi etthontto yookhwa yookhalihwi vanloothoni; kahi muromolelo nipuro nuulupale oWashington, mwa—mwa—mwa Mwaataano wa Ikereja; huh-uh, nnari, eyo etthontto yookhwa, etthontto yookhwa ni eyaaminelo yookhwa. Masi elatarato ekumi mwa mutthu!

<sup>189</sup> Nihiku nlo mutthu mmosa aamuxuttiha, ahiiso kaakhenle yoolepa yaamukhaani, nto mutthu mmosa khwira wira “Mulopwana ahooponwe, nto... Mulopwana ooponwe vano mwaar’awe khuhoopowa, awo yaamurowa Okuxiwa? Muthiyana khaakhanle orowaka Mokuxiwani, khiyaarowa okhala etthu ene eyo ya muthiyana orowa Mokuxiwani okhala wira awo ari mmosaru.” Ethiru! Yesu ohimnye wira, “Anookhala aili voolilini, nto Miyo kinoomukuxa mmosa kimuhiye mukina.” Owo mwaha wa mutthu meekhaawe nyuwo ni Muluku,

nvahereryaka erutthu *anyu*; hata akhalaka maama, paapa, aana, khula mutthu mukina onaakhela Yeeyo wala nnari. Amen!

<sup>190</sup> O Muluku! Olumwenku ula woohononeya, woonanara, woottakatta; iya siniitthaniwa ikereja soonanara soottakatta; mitthenkeso iya soonanara, soottakatta; iyaaminelo iya soonanara, soottakatta sinvirikanya Masu a Muluku. O Muluku, mmuruuhe mutthu oowiiyeviha nipuro nlo ni mwaakukutthe, ni mwaavenxerye mapuro a Wirimu mwiisooniherye Mmansinyu, Muluku Oowerya sothene. Amen. Etthu xeeni yoohononeya ephiyenryaya okhala!

<sup>191</sup> Ninkhalihwiwa mpantte wa owaarya Wawe. Hiyo, oolikana ni Yoowo, hiyo n'a ilatarato sa Muluku mukumi. Vano, ookhwela omiyo, oohihimuxiwa ni Yoowo, vano nwiriyane, nwiriyane ela, Masu Awe oowiiipaka-tho erutthu mwa *hiyo*. (Oh, Munna Neville!) Nkawehani! Exeeni iyo? Kahi muluku a ethale, ni oowaanyiheriwa iwo, masi Muluku mukumi. Muluku mukumi exeenii? Masu mwa nyuwo yiipapaka eekeekhai. Whish! Avuwihwiwe Muluku! Oh, koosuwela wira munuupuwela wira ka santu oophirikeya, khino ka yoowo. Masi, oh, munna, munnoona? Ooxintta khula muromolelo, ooxintta khula epakawu, Muluku mukumi oowiiisooniherya mwa empa ekumi, ni Masu a Muluku, okhanle Muluku, aniipaka erutthu mwa nyuwo. Mwaha wa xeeni? Mukilaanthe mapuro a Wirimu, mooxintta vasulu va itthu sothene, mwa Kristu Yesu. Amen!

Oh, miyo okisivela Eyo. Kihaana otupha etthu kitthikele.

<sup>192</sup> Vano, nwiriyane. Nto ooyevaxa w'alipa-oowaamini Awe, vohicala moota-okathi xeeni, wala ole-ole, mwaamukhaani, wala etthu p'itthu mukhanlyanyu, ooyevxa wa alipa-oowaamini Awe mwa Yoowo aakhalana sootakhala sothene vathi va yaawo. Munnona? Nkawehani! Kristu ti Muru wa Erutthu. Eyo ekeekhai? Ahe, khula nipuro Muru onkhalaaya Erutthu eri ni Yoowo. Ovuwa! Vanrowaaya muru aka onkuxa erutthu aka ni yoowo. Ni vaavo Yesu onkhalaawe, Ekereja eri ni Yoowo. Amen! Owo khonkhuma Mmasuni mwAwe; Owo onkhala Mmasuni mwAwe, onnikhapelela Yaawo, wira ooniherye. Ekereja Awe eri ni Yoowo.

<sup>193</sup> Ni, nwehe, nyuwo muniira, "Masi, Munna Branham, miyo ka ooyevaxa." Eyo ti vathi va inawu Sawe. Masi, muupuwele, Owo ooxintta ni nyuwo, ooxintta ni nyuwo mwa khula etthu yaamukhaani, hata mukhalaka vathi va inawu Sawe. Eretta yothene, xetwani othene, khula owerya, hata okhwa wene, siri vathi va inawu sanyu, vathi *vanyu*. Ovuwa! Miyo nkinoona wira kirina miloko mithanu ni miili voosiis'ula. Ela Ekeekhaii. Kawerya-ru paahi wiiriha ekerej'ela woona yeeyo, munna, ninrowa okhala ekereja yooxintta. Alipa-oomwaamini Yoowo, sootakhala sothene vathi va Yoowo. Oh, ovuwa!



194 Kinrowa weemela vaava, kinoopacerya-tho okathi mukina.

195 Nwiriyaane, nwiriyaane ela. Nyuwo muniira, “Munna Branham, nkirina owerya.” Ni miyo nkirina. Miyo nkirina owerya. “Ahe, Munna Branham, miyo kootteetheya.” Ni miyo. Masi miyo nkinlipa ni ikuru saka, khasihiyo ikuru saka. Miyo kinlipa ni okhulupale aka, moone, okhulupale aka kivahiwe aka. Nkihiyo *miyo* orina ikuru, miyo nkihiyo a ikuru. *Owo* t’okhanle a ikuru nto miyo—miyo k’Awawe.

196 Va, nihimye so, mwa nlikanyiho, va ori transitu mphironi, vankumana ephiro Yaneexexe ni Broadway oLouisville, “zum, zum, zum, zum,” aakuvaka vanweryawe, ikilomo emiya emosa khula ewoora ephiro yeeyo, atthu othene athimakaka, yaakuvaka, yuukhuwaka. Mwaamulopwana mmosa khunakhumela vale, onavenxa ntata nawe, ni, munna, itaravawu siniimwiipa. Ahe, mwaamulopwana owo khorina owerya woophiyerya wira eemexe emosa wa ikaaro iye, masi ookhalana okhulupale. (Ovuwa!) Kuhiyo owerya wawe. Ahe, emosa wa ikaaro iye saamuphinte-ru, yaamummalamaliha. Masi amalaru ovenxa ntata nawe! Mwaha wa xeeni? Maxoofeero a ekaaro aanisuwela soowara iye.

197 Oh, munna, awo annisuwela soowara iya, itaravawu sinoonyakula. Mwaha wa xeeni? Anoono okhulupale awe. Anoono etthu eri ottuli wawe. Mweettiheryo wothene wa mpooma ori ottuli wawe. Ottharihiwa wa malamulo a munisiipiyu onnimwaakiha. Soowara iye sinthoonyerya yeeyo. *Owo* t’ovirikana, ayo, mulopwana, okhala wira owo mupiliisa.

198 *Owo* onookhuwela, “Mweemele!” Ahe, emosa wa ikaaro iye yaavinre-ru “zum,” ni aamuvara naanaanoru. Masi vanreerela awo eheererye, nwehe etthu eri ottuli wawe. Anoorumiha itaravawu ni otherekuwa. *Owo* khorina yoohimya etthu nnakhala, ovenxa ntata paahi. Eyo enniphiyerya, vekeekhai. Okhulupale awe onrwa mwa ottharihiwa wa malamulo, othene annimwaakiha. *Owo* mwaneene, t’otteetheya, masi exeeni enimwaakiha? Ti yeeyo ettheneeri . . . soowara sawe, owo othene owanre ikuwo sa muteko.

199 Ti yeeyo e . . . kahi muluku eethiru, masi ele mutthu orinaawe owaraka. Nrowe niware ikaruma sothene sa Muluku, amen, ekapaseeti ya woopola, mwaakiheryo ola muulupale (ya munnuwelo wa mukhoro) wo waamini. Oh, munna. Kahi ele owo oryawe, masi onthoonyeryawe.

200 Ti yeeyo mupiliisa . . . kahi mwamulopwan’ole eemenle vale, owo mutthu pure paahi, masi ele onthoonyeryawe!

201 Ekaruma ahu ti Yesu Kristu. Ayo, mulopwana. Axetwani othene anninyakuliha itaravawu saya okathi anoonaaaya Yeeyo. Okathi awo anoonaaaya ikaruma iyo soomalela sa Muluku, opatiiso wa Erooho Yoowaarya, amen, anoonaaaya Eyo orwa

ekhumaka Veehicensi va Muluku, ewanre-ene ikaruma soomalela sa ohihimuwa Wawe. Amen.

<sup>202</sup> Kahi wira *nyuwo* mwa a ikuru, khamuhiyo etthu, t'ile eniwaakihani. Mwaha wa xeeni? Nyuwo muhookhwa. Nyuwo mookela mmuttitthini wa atoropa, mookela mmuttitthini wa mapiliisa, munrowa weettela malamulo ni oweettiherya axetwani ala. Ti yeeyo, nyuwo muri mmuttitthini wa mapiliisa, yothene enniwaakihani. Moone, nyuwo mwattthokeleliwa ookhwa, nyuwo khamuhiyo etthu, khimwaarowa owerya weemexa hat'etthu. Masi okhulupale anyu ovahiwe mwa nyuwo, okhala wira nyuwo moohihimuwa ni mukilaanthe mapuro a Wirimu mwa Kristu Yesu, xetwani onnisuwela eyo. Sothene sinoonyakula itaravawu okathi matata ale anvenyaaya.

<sup>203</sup> Martin Oowaarya, emara emosa mpwaro mwa milattu... Aahikhala mulopwana mmosa iwe ahononasaka (xetwani), alumaka owo aanaakumiha ethayi atthu siiso, nto atthu yaamutthyawa, owo aaphavela owiiva. Khukumihya ethayi yuulupale-...aarina makwarikhwa maalupale, maino, aanicophola ipilikisa suulupale so sa ethayi akumiheryaka evitikavitika.

<sup>204</sup> [Nipuro vahiitthu mufiitani—Mol.]...mwa alipa-ookokhorela. Nto mahiku Owo oonaly'awe ohoolo, ni khusuwela wira yaarowa okhala siisa okathi Yoowo Ene aarowaawe woomoliwa mukereja mw'Awe, ekereja ya Lawotiseya, Owo iirale, "Moone, miyo keemenle vamukhora kimanaka nsele." Mutthenkeso ole waahimoomola, ni ahiira olelo, masi Owo ori vamukhora wira amane.

<sup>205</sup> O Muluku, mamempuru a Erutthu Awe esuwele olelo wira hiyo nri Mukereja yooxintta. Niri—niri mwa Kristu. Hiyo nikilaanthe vasulu va itthu sothene iyo sa molumwenkuni.

<sup>206</sup> Xeeni athiyana ahu yaarowaaya otthunaka omettha maihi? Muluku, eyo enooniherya wira etthu yoovonyeya. Xeeni yaarowaaya otthunaka wiisooniherya mwa itthu sa ekhapa? Xeeni atthu ahu yaarowaaya ovoliwaka etala mmurimani mwaya yo omwiiwa mu—mutthu ntoko Elvis Presley wala—wala mmosa wa maRicky ala, wala siiso, weemela vale ni ekitaara ya khalayi ni muusika ole wo ottala owaruni ni owiirihya aximwali ahu othukumela ni orula ikuwo sa muhina, ni itthu? Muluku, vano nto mmiravo owo onihimya okhala muPentekosite! O Muluku, exeeni ekhanle...Nkanweheni Pat Boone ola onihimya wira mpantta wa Ekereja ya Kristu n'itthu sothene iya soohifayi, soonanara... O Muluku, aisiihanaka "a Ekereja ya Kristu."

<sup>207</sup> Muluku, hiyo ninnisuwela wira ekhanyeryo ya okhulupale khanihiyo nsina na muromolelo, masi owerya—owerya wa ohihimuwa wa Kristu mwa khula ekumi ya mutthu. Muluku, atthu ala va voosiis'ula yiilipihe wira akele mwa Yeeyo. Ni efiita ela nihiku nlo yaphiyaru elapo atthu aryaaya, Pwiya,

awo asuwele wira ela khehimeriwe mwaha wa otakhala murima, okhala wira kaamukhala oovonya yoomi, masi wira Ekereja ekhale yooxintta ni esuwele opuro aya. Wira yoone vatthu amuluku ala othene eethiru, vaavo ekereja Katolika ekhummy'aya voowooneya ni khukhaliha yeeyo "muluku eethiru," aPrustante khukhaliha "mutthenkeso," ni awo kahiyo ooloka; akhoottaka Masu, "Yooneyaka ntoko atthu oothunku, masi ekhoottaka Owerya waya nave." O Muluku, moota Masu Anyu akhanly'aya eekeekhai, khula Masu!

<sup>208</sup> Vano hiyo ninvekela, Tithi, wira Nyuwo munilevelele itampi sahu, ni wira Mutthak'ola okele muhina mmurimani. Ni wira atthu...Wira ekerej'ela, ntoko etapernakulu ila yaamukhaani vano eryaaya mmutekoni m'oteka ekereja, awo ehikhalakhale ewehaka etthu yooreera, masi yoophiyerya paahi wira ewaakheleke atthu. Muluku, ehikhalakhale erwaaka oweha ni wira, "Hiyo niniira mpantta wa etaprnakulu yuulupale erina ekuupula yuulupale vasulu." Muluku, mutthuniherye nikhale nipuro vahiitthu. Awo ohaapweteye woona Etthunelo, Yesu Kristu. Owo akhale Ole onsariha empa aya y'olompa, vano nto owerya ni mooro wa Erooho Yoowaarya sinoomorela waltaari mwa mirima saya. Ti vaavo ori-vo altaari eekeekhai, Pwiya, ori vamurimani va khula mutthu.

<sup>209</sup> Miyo kinvekela voosiis'ula wira Masu ala eruuhele yookhumelela yuulupale waltaari wa khula murima mpakha ahinkhalakhalaaya ehiyaka Yaawo, arwe akumi ni moonelo woosiveleya wa Ehapari yooreera, yaaminiki Masu; ni ahitthukulele murima ikuru sa xetwani (wala miyoonelo, wala onyakula, wala otupha, wala—wala mooniheryo, mukhalelo khata wa mw'erutthuni, wala etthu ntoko yeeyo), masi wa Erooho, y'eekeekhai yoophenta ya Kristu, vaavo Owo oniisooniheryawe Mmansawe mwa ophenta ni owerya.

<sup>210</sup> Munivahe, Pwiya. Mwaavonihe aretta n'ale ooxanka. Hiyo ninvekela mwa Nsina na Yesu. Amen.

Miyo kinnimphenta Owo, miyo kinnimphenta  
Owo  
Okhala wira Owo t'opacenrye okiphenta miyo  
Nto oothuma woopowa waka  
Vamwirini w'oKalvario.

... Miyo kinnimphenta Owo  
Okhala wira Owo t'opacenrye okiphenta miyo  
Nto oothuma woopowa waka  
Vamwirini w'oKalvario.

<sup>211</sup> Nuuramme muru, akavi antthuna ohela murima waltaari ni okhaliha ematta ya Muluku, wira Owo aale Masu Awe waltaari wa murima anyu, wira akumiherye ekumi ya ohihimuwa wa Kristu? Mwaamutthuna ovenxa matata mwiire, "Muluku, miyo

kinnitthuna ela ni murima wothene”? Muluku oreerihe mirima sanyu soovoliwa etala, ituusiya ni ituusiya sene.

Muhiye vaavo, muhiye weiwo paahi,  
Muroihe muritti anyu w’Apwiya muhiye  
weiwo;  
Naroromela-ru khuhihoverya, Awo  
anoonikumihya;  
Niroihe muritti ahu w’Apwiya muhiye weiwo.

<sup>212</sup> Mmurimani mwanu, mmuupuwele Kristu Moopoli, muupuwele wira Owo ohookhwelani. Ni nyuwo mwakhwaa-ru mmansinyu, eyo enootatha erutthu anyu, enootatha munepa anyu, enootatha murima anyu itthu sothene sa molumwenkuni mu ni s’opuha saya sothene, nto Kristu... nyuwo munooihimuwa ni Yoowo.

<sup>213</sup> Mwiira muhipatisiwe mwa Nsina na Yesu Kristu, yookhala etanki yoosareya maasi nno. Ni, mwaavenyaka okhuma mmaasini mmo, munvenya wira mweetteke ni Kristu mwa makhalelo a naanaano. Muhookhwa nto, khamukhanle-tho... mukhalelo wo oviruwa ni itthu sothene soolakaseya. Nyuwo mwa yoopattuxiwa esya mwa Kristu. Vano Owo onimoovenxani ni Erooho Yoowaarya ni wookhalihani mapuro a Wirimu ni Yoowo, vasulu saana va owerya wothene w’olumwenku ula.

<sup>214</sup> Voohicala oyeve xeeni, mwakhala muthiyana namakattha, mwakhala—mwakhala munna paahi ohirina yawawe... ohimmusuwela ABC awe, khenvirikana ele nyuwo mukhanlyanyu. Nyuwo muri mwa Kristu, munixintta vasulu va itthu sothene. Ni okhulupale anyu onkhala vasulu va khula xetwani ni khula owerya xetwani orinaawe. Nyuwo muri mwa Kristu, munooxintta.

Muuramme-ene muru:

<sup>215</sup> Koosuwela wira ookhala munna mmosa oruule va voosiis’ula, Munna Slink (kookupali wira oniihaniwa “Sink, Jim Sink”), yoowo kinaamini aka okhala... Ni munn’ihu va onsuweliwa okhala mwiixuttihi a Masu ala. Kahi siiso, Munna Sink? Nihaana omwiixaatherya matata voosiis’ula nihinatthi waavekelela aretta, wira nimukhalihe murumeyi (mmosa w’axinn’ihu) wira arowe mmakerejani alaleerye Ehapari yooreera.

<sup>216</sup> Munna Jim Sink, mwaamuwerya orwa waltaari nno? Murwe, Munna Neville. Munna Junie Jackson, muri vaava? Khula mmosa wa arumeyi akina a Waamini nno?

<sup>217</sup> Munna Jim Sink va onnaamini Ehapari yooreera ela enlaleyaahu, Mwaana a Muluku, onnaamini wira Owo vekeekhai Mwaana ooyariwa ni harusi. Eyo ekeekhaii, Munna Sink? [Munna Jim Sink oniira, “Amen.”—Mol.] Munnaamini wira Owo ohookhwa khuhihimuwa mmurotoni mwaya, ooxintta sothene, ni okilaanthe moonoo woolopwana wa Muluku, eriyari ya owerya

wa Muluku Wirimu, onkhala voohimala-tho wira anilapeleleke? ["Amen."] Munnaamini opatiiso wa mmaasini mwa Nsina na Yesu Kristu wira muleveleliwe itampi? ["Amen."] Munnaamini opatiiso wa Erooho Yoowaarya siiso Muluku onvahaawe, ni ithoonyeryo ni mitikiniho simuttharaka mulipa-oowaamini? ["Amen."] Owo onnaamini yeeyo. Ni miyo kookupali wira aarina makhalelo oohipwapweleya ohoolo w'atthu. Owo onnilaleya va mukereja, imaara sinci-ene wa yaawo va, ni miyo kinniweha, "mulopwana mmosa oothamaleya a Muluku."

218 Vano, wa ekerej'ela, nookhala nuulumo nimoso va, ookhala orina nuulumo noomuvirikanya Munna Sink? Ahimye naanaano va ahiiso amaale mahiku othene. Akavi anaamini wira ni olaleiwa wa Mutthak'ola ni Masu ala wira Munna Sink...ni anaamini wira ni onamoona wa Erooho Yoowaarya, wira Munna Sink ohaana okhalihwa murumeyi ni ovelelihiwa okhuma ekerej'ela va ntoko murumeyi a Ehapari yoorera, wira alaleerye Mitthaka iya ntoko silaleiwe aya voosiis'ula, mapuro othene onweryawe orowa molumwenkuni Apwiya ammurumaaya-wo? Nvenxe matata mwiire, "Kinrowa okhala koovekelelakani, Munna Sink." Muluku ooreeriheni.

Nrowe nuurame muru.

219 Munna Neville, xontte, mmwiixaatherye matata Munna Sink muhelaka ntata nanyu vasulu va Biblia.

220 Tith'ihu a Wirimu, nimmuruuha wa Nyuwo, voosiis'ula, mulopwana mmosa ottukhuliwe okhuma moopahuwani wa olumwenku ola, iikhalanne ookhwa wa yoowo mwaneene khumukupali Kristu okhala Moopoli awe, khupatisiwa mwa Nsina na Yesu Kristu, kuhihimuwa ni natiri o waakhela Erooho Yoowaarya, nto vano mapuro a Wirimu, ni onnoona mmakhaleloni mawe wiihaneliwa muteko.

221 O Muluku, ntoko ahumu a ekerej'ela, ntoko muthukumano ni anamawehaxaxa a atthu othene ni sikina, wira niweheke nikoto nenlo Erooho Yoowaarya enikhalinhe aya ookhapelela, nikoto nivenxaka ntata ninsuwela wira Munna Sink, "wira owo mulopwana naxariya," tivo ninnimwiixaatherya matata, Munna Neville ni miyo, ntoko ahumu Anyu, ni mwa yeela hiyo ninnivekela mavekelo o waamini ni omukhalihwa Munna Jim Sink mmutekoni mwa Yesu Kristu. Munivahe. Owo asarihiwe ni owerya wa Muluku. Owo ahikhalakhale aisakalelihaka. Aruuhe minepa s'atthu wa Nyuwo.

222 Ni, Muluku, hiyo ninnimulaiherya ororomeleya wahu ni oxinna wa yoowo, wira nimulipiherye khula nipuro onkhalaawe, mmavekeloni, ni mukhaliheryo, ni khula enamuna enwery'ahu. Mmwaakhele, O Muluku, nimoonihiyaka wa Nyuwo. Amen. Amen.

223 Ni matata anyu vasulu va Masu, ni vo Munn'aka Sink, kinookhalihani murumeyi munna mwa Kristu ni opatthana

wahu, mwa Nsina na Yesu Kristu. Amen. Muluku ooreeriheni. Vaareera. Ni muthukumano wiirale, “Amen.” [Muthukumano oniira, “Amen.”—Mol.] Muluku ooreeriheni. Khireere so wiiriwa mwa Ehapari yooreera, yootthuneya vaalupale, hiyo ninookhaliheryani ipursentu emiya ni itthu sothene sinwery’ahu wira wira nookhaliheryeni. Muluku ooreeriheni.

224 Owo kahi oothamaleya okhala e... Oh, wulu! Okisivela owoona axilopwana... Ti yooreera. Owo ti, ntoko sinsuwelaaka vano, owo orina muteko wa opastore oTapernakulu ya Owaarya oUtica, Indiana, weiwo owo ohinkhalaawe ottaiwene wa weiwo.

225 Vano, nrowe noone. Oh, nookhalana axinna? Oh, kookupali wira nlelo nihaana aretta wira naavekelele, khanirina? Vaareera, awo... nyuwo mookawa ittikitti sa mavekelo? Vaareera, nrowe niitthane ittikitti sa mavekelo naakuvaka, mukhale othene oomaala okathi vakhani. Khanireere oxeleliwa. Munooverya okivaha minuutu muloko? Vaareera. Ittikitti sa mavekelo, athu arina mavekelo... Mukanwe mpakha nummero xeni, noopacerya?

226 Vaareera, ettikitti ya mavekelo nummeru noopacerya, murweeke, nummeru naneili, nummeru naneeraru, nummeru naneexexe, nummeru naneethanu. Ettikitti ya mavekelo nummeru noopacerya, naneili, naneeraru, naneexexe, naneethanu, mweemele va, voowaakuva vanweryanyu, mwaweryaka ovenya. Mwaahiweryeke, ahe, munilele, nnimoorweelani. Ninrowa ophavela waaruuha othene ntoko sinweryaahu. Emosa, piili—piili, tthaaru, xexe, thanu, thanu na mosa, thanu na piili, thanu na tthaaru, thanu na xexe, muloko; thanu na mosa, thanu na piili, thanu na tthaaru, thanu na xexe, muloko; nto aili paahi t’avennye. Muloko, muloko n’emosa, muloko ni piili, muloko ni tthaaru, muloko ni xexe, muloko ni thanu. (Huh?) Othene aya, ittikitti sa mavekelo sothene, murwe epantte ekina *ela* nno, mukhale epantte *ela* nno, epantte *ela* nno xontte.

227 Oh, Owo kahi oothamaleya? Vano, athu othene ekhale oottittimiha ntoko sinwery’anyu, minuutu soophiyaka muloko vano, minuutu soophiyaka muloko paahi. Vano, ale arina ittikitti sa mavekelo, hiyo noohimya nuulumo wira “Athu anthuna ovekeleliwa, arwe ni ittikitti saya sa mavekelo,” ni wira hiyo nihi... Moone, awo anikhala atthikaka, vano nto aneehererya orumeela soovaha sa Muluku ntoko ekamela ya Ouija, masi hiyo khin—hiyo khinnaamini wira siiso.

228 Hiyo—hiyo ninaamini paahi omuhiya Muluku ovara Muteko Awe. Munnaamini yeeyo? Akavi anaamini wira Mutthak’ola voosiis’ula Ekeekhaii? [Muthukumano oniira, “Amen.”—Mol.] Kooxukhuru. Kooxukhuru. Muluku ooreeriheni. Kinnaamini ni murim’aka wothene, munepa, ni muupuwelo.

229 Vano, enikhala ntoko nookhalana atthu oophiyaka miloko mithanu va wira evekeleliwe, etthu ntoko yeeyo. Vano, nwiriyane. Vano, khula mmosa a nyuwo ori mwa Kristu. Nyuwo muri mwa Kristu Yesu, munnixintta iretta sothene. Othene anyu muri muliinyani mwa mavekelo, mukhanle aKristu, ooyariwa vasya, nvenxe matata. Mukhalelo anyu nto ti mwa Kristu. Nyuwo mooxintta, nto etthu emosa paahi murinaanyu wira vano okupali ni waamini etthu Muluku ohimaly'awe okhala Ekeekhai.

230 Miyo kaamoocela owerya okuxa eliinya eyo wa olamula sa mmurimani, yaamukhala yinci-ene yo wira, yaamunipisiha vanci-ene. Khiyaarowa okhala wa miyo, kookupali wira kaamuwerya okhala va nihiku nothene, kinnoona oreera saana. Kinoona oreera paahi. Koosuwela wira Eyo ekeekhai. Attotopeliwe Apwiya! Masi *vano* hiyo niri mwa Kristu, *vano* hiyo nookhalihwa vopuroni mwa Kristu. Amen! Oh, wulu! Itthu iya kiixuttihalyaka Ikeekhai? Yaari yeeyo, vano Owo onimwiisooniherya Mmansawe. Ti yeeyo.

231 Akavi a nyuwo atthu muliinyani mwa mavekelo akhanle oohisuweliwa wa miyo? Kinnaasuwela anci-ene a nyuwo, masi akina nkinaasuwela. Nvenxe ntata, ale anuwela wira nkinsuwela hat'etthu evonyeie ni nyuwo, nvenxe ntata; muliinyani mothene, uh-huh, vaareera. Owo ti Kristu? Nyuwo munnaamini Yeeyo? Muhaana okhalana waamini, muhaana waamini Yeeyo. Mwaahaaminiki, weeso khenrowa ovara etthu. Muhaana osuwela opuro anyu, muhaana osuwela nipuro nanyu. Eyo ekeekhai, Munna West? Ti yeeyo. Osuwela mukhalelo anyu, Kristu oolaiherya "Itthu Miyo sinvaraaka nave-tho nyuwo munoovara." Munnaamini Yeeyo ni murima wothene.

232 Mulopwan'ole eemenle ottuli iwe yookhala etthu ehilonke mukhootwani mw'awe. Mwaamini Yeeyo ni murima wothene. Khimunwerya okela muliinyani mwa mavekelo, masi mutthikeke mwakilaathi, enoorowa olakaseya. Ni kahi kankuru. Mutthike mwakilaathi, yoomala. Nkinatoko omoona mulopwan'owo kookhalaru. Vakhala wira n'amalapo, munna, nvenxe ntata. Vakhala wira n'amalapo... Mulattu ene xeeni, owo oovonihwa!

Waltaari nno, munnaamini?

233 Ankhi nyuwo? Hiyo khaninsuwelana, miyo nkinoosuwelani. Muluku onnoosuwelani. Munnaamini wira miyo ka murumeyi Awe? Munnaamini Mutthak'ola kinlaleyaka? Ankhi koohimenryeni wira mukattyamiho anyu wa muthana waamoohiyani? Munnaamini Yeeyo ni murima wothene? Mwenye Bukhart, mutthikele Ohio, moovonihwa. Yesu Kristu onnoovonihani.

234 Nyuwo khamukhanle va mwaha wa nyuwo, muri va mwaha wa mutthu mukina. Owo muthiyana. Ni owo t'a Ohio, nave,

ti yeeyo, nsina ti Alice McVan. Ti yeeyo. Owo aahikhalana operasawu. Ti yeeyo. Eretta ya napwiipwi ni muxankiho w'athiyana ni wuukhuwa. Eyo ekeekhaii? Mwaamini paahinto owo onookhala mukumi. Muroweke ni mwaamini ni murima wothene. Mwaamini Yeeyo ni murima wothene, owo onimwaakhela.

<sup>235</sup> Ehaali anyu? Miyo nkinoosuwelani, hiyo khaninsuwelana. Eyo ekeekhaii? Nyuwo munnaamini wira miyo ka murumeyi Awe? Munnaamini wira nooxintta mwa Kristu? Mwaaminiki vale, ni wuukhuwa wanyu ni mikattyamiho sanyu ni ithu sirin'anyu, vano, Muhano Allen, munoowerya otthikela owaani nvonihwe.

<sup>236</sup> Kookupali wira khaninsuwelana kahi siiso? Miyo nkinatoko owoonani khalayi. Ela emaara yoopacerya onkumanaahu, hiyo khaninsuwelana mmosa ni mukhw'awe. Munnaamini wira miyo ka profeta Awe? Munnaamini yeeyo? Munihaaxeya ni eretta ya isyo. Ti yeeyo, kehiyo? Nyuwo khamuhiyo a weno, mwa a Okuusini. Nyuwo munaavekelela an'inyu ahooponwe. Awo t'aiy'anyu ottuli wanyu. Awo aakhalana mulopwana vamurimani vava voosiis'ula, mpatthani awo aninvekelelaaya. Vahasiwene, kinnimoona mutthu, nyuwo mwa—nyuwo mwa mpatthani a ame aka ni atithi aka. Mulopwana mmosa onoorwa va onihaniwa L. C. ahiiso S. T., wala etthu siiso, S. T. wala etthu siiso, owo—owo ti mwan'inyu. [Munna Neville oniira, "J. T."—Mol.] J. T. . . . Ti yeeyo, S. T. Nnari, kahi J. T., koosuwela. Mwamulopwana mmosa, ooriipa maihi, koomoona eemeenle vaava va ohoolo owo oryaawe naanaano va. Mutthikelekele owaani, muhaakhela yoovekela anyu. Mutthikele owaani.

<sup>237</sup> Mulopwan'ole ori vaava voosiis'ula, mulopwana mmosa a wu oGeorgia? Ayo. T. S. Ayo. Nkinatoko owoona atithi anyu n'ame anyu kookhalaru, ni nyuwo moosuwela wira eyo ekeekhaii, masi koowoonani, orwa vaava va ohoolo waya okathi vakhani. Kaahisuwela wira yaari yeeyo. Muhaakhela yoovekela anyu, muhihoverye.

<sup>238</sup> Nyuwo othene munnaamini, ni murima wothene? Vano, akavi? Khula mmosa a nyuwo ori mwa Kristu. Nyuwo muniira, "Eyo Ehapari yooreera?" Vekeekhai ti yeeyo Yesu Kristu iiraly'awe. Vekeekhai ti yeeyo arummwa yiiraly'aya. Ti yeeyo vekeekhai Irinewu ni akina aya yiiraly'aya. Eyo ekeekhaii.

Munnaamini Yeeyo? Vano muuramihe muru.

<sup>239</sup> Rwaakani va, humu. Khareere atthu wira nivire eliinya ele yothene siisaale. Nihaathanla aili wala araru vathi vale. Murwe va. Munn'aka ola Neville mulopwana a Muluku. Kinnaamini.

<sup>240</sup> Ninrowa ovira eliinya ela va naavekelele atthu ala, owiixaatherya matata. Othene munnaamini wira munookhala akumi, khula mmosa a nyuwo? Atthu othene mu anoorowa



waamini Yeeyo? Vano muuramihe muru anyu vano, hiyo nri Mukereja exinttale.

<sup>241</sup> Pwiya Yesu, miyo kinnimusuwela munn'ola, mwaha wa yeeyo kihimuhimenryaka etthu ya yeeyo. Koosuwela etthu onthunaawe. Kinvekela wira Nyuwo munvonihe, Pwiya, ni munvahe yoovekela awe. Mwa Nsina na Yesu Kristu.

<sup>242</sup> Tithi a Wirimu, ni matata kimwiixaathenrye mwamunn'ola, voosiis'ula, hiyo ninvekela mwa Nsina na Yesu wira okhale ovuluxiwa wawe. Amen.

<sup>243</sup> Oh, nyuwo mwa . . .

Tithi a Wirimu, munvahe Munn'ihu Dauch muthiyana va, munna mmosa oophenteya, yoowo onkhalaka mpatthani eekeekhai wa hiyo va, wa amusi aka n'ale oophentiwa ahu. Hiyo ninnaamini wira owo ni ay'awe an'Inyu. Miyo kinvekela, Muluku, wira Nyuwo munvahe yoovekela awe voosiis'ula. Mwa Nsina na Yesu Kristu. Amen.

<sup>244</sup> Muluku, mwa Nsina na Yesu, mmureerihe Munn'ihu Bruce muthiyana. Hiyo noosuwela, Pwiya, wira owo murumeyi Anyu. Hiyo ninvekela wira Nyuwo munvahe—yoovekela awe. Mwa Nsina na Yesu Kristu. Amen.

<sup>245</sup> O Tiithi a Wirimu, nisuwelaka wira—wira Nyuwo paahi munwerya onvoniha Munna Blankco muthiyana, ninvekela wira Nyuwo mmureerihe ni munvahe yoovekela ela, Pwiya. Mwa Nsina na Yesu Kristu. Amen.

<sup>246</sup> Tithi a Wirimu, mwa munn'ihu muthiyana ninnimwiixaatherya matata mwa Nsina na Yesu Kristu, ninvekela ovuluxiwa wawe wa ovuwa Wanyu. Amen.

<sup>247</sup> “Ithoonyeryo iya sinimwaatthara ale anaamini,” ni hiyo ninnimwiixaatherya matata munna ola onrowa ovonihiwa. Mwa Nsina na Yesu, munivahe, Pwiya. Erutthu ila yo wuukhuleya, yoothukumela, yeemenle va, Pwiya, mwaha wa ekumulelo ya Erooho Yoowaarya, ni yookhulumuwa, masi Nyuwo mwa Muluku. Munvonihe mwamuthiya'ola, kinvekela, mwa Nsina na Yesu.

<sup>248</sup> Muluku Oowerya sothene, munvahe munn'ihu yoovekela awe. Munvahe, Tithi. Hiyo ninimwiixaatherya matata ni ompwapwela nwanani, yaawo yaarowa ohapaliha munepa awe, wala omuhela n—nlepa nooriipa ohoolo wawe. Owo avenye vooxintta vasulu va yeeyo voosiis'ula, Pwiya, ni asuwele vooপুরoni vawe mwa Kristu Yesu. Nto siiso owo onookhalana ele envekelaawe, mwa Nsina na Yesu.

<sup>249</sup> Tith'ihu a Wirimu, ni matata yiixaatheriwe munn'ihu, mwa Nsina na Yesu Kristu, munvahe yoovekela awe. Amen.

<sup>250</sup> Mwaamuthiyan'ola oophenteya, Tithi, mwa Nsina na Yesu Apwiya emoriwe ikharari, wa Ovuwa wa Muluku hiyo ninvekela ovuluxiwa wawe.

251 Muluku, hiyo noosuwela wunla wa murima wa mai ula ni wunla wa mwan'awe mwamuthiyana. Muluku, munvahe waamini voosiis'ula, vano nto ahelele naanaano va, asuwelaka wira owo ookhalana oweriya vasulu va yeeyo. Nto enimwiiraneya, mwa Nsina na Yesu Kristu.

252 Muluku, munvonihe mwanamwan'ola, hiyo ninvekela mwa Nsina na Yesu Kristu.

253 Muluku, Tith'ihu, hiyo ninnimwiixaatherya matata munn'ihu ni ninvekela voosiis'ula wira Nyuwo munvahe yoovekela awe. Mwa Nsina na Yesu Kristu. Amen.

254 Tith'ihu a Wirimu, okhalaka wira mwamuthiyana ola onirwa okuxa opuro awe wira avonihiwe, hiyo ninimwiixaatherya matata n'uvekela ovonihiwa wawe. Mwa Nsina na Yesu Kristu. Amen.

255 Mwa mwaan'ola oophenteya hiyo ninimwiixaatherya matata, mwa Nsina na Yesu Kristu, ninvekela ovonihiwa.

256 Ni Nsina na Yesu Kristu, ni matata vasulu va munn'ihu, Nyuwo munvonihe vano.

257 Tith'ihu, Muri Wirimu, nivuwihwe Nsina Nanyu, mwa mmirav'ola hiyo niniixaatherya matata. Mwa Nsina na Yesu Kristu, owo aamini. Amen.

258 Tithi a Wirimu, mwa munn'ihu oominyala va, Pwiya, murumeyi Anyu, mutthu a Muluku, hiyo ninimwiixaatherya matata wira yoovekela awe evaheriwe. Mwa Nsina na Yesu Kristu owo akuxe opuro awe naanaano va. Vano, va ori mwaana a Muluku, okathi woovuwa hiyo othene ommalihaahu.

259 Tithi a Wirimu, vasulu va mwamunn'ihu muthiyana onkhuma mw'epiphini moorika wira eetteke moWaaryani, munvahe, Pwiya, wira munep'awe woominyala ovenxeriwe osulu saana voosiis'ula, mpakha mukhalelo wa Wirimu. Ni munvahe—yoovekela awe, mwa Nsina na Yesu. Amen.

260 Tithi a Wirimu, mwa munn'ihu nimmwiixaatherya matata mwa Nsina na Pwiya Yesu, ninvekela wira avahiwe yoovekela ela. Mwa Nsina na Pwiya Yesu Kristu. Amen.

261 Tith'ihu a Wirimu, hiyo ninnimwiixaatherya matata mwaana a Munn'ihu muthiyana, ni ninvekela wira yoovekela awe evaheriwe, Tithi, nimwiixaatheryaka matata mwa Nsina na Yesu Kristu.

262 Tith'ihu a Wirimu, hiyo ninnimwiixaatherya matata munn'ihu, mwa Nsina na Yesu Kristu. Yoovekela awe evaheriwe, mwa Nsina na Yesu. Amen.

263 Tith'ihu a Wirimu, okathi murokor'ihu oniviraawe muliinyani mu ni wira ahiye. . . hiyo ninimwiixaatherya matata, Kristu a Muluku aattamele vano ni apwapwele mukattyamiho ni anvonihe. Amen.

264 Tithi a Wirimu, mwa munn'ihu, hiyo ninimwiixaatherya matata ni ovekela wira mwa Nsina na Yesu Kristu, munvonihe mwa Nsina na Yesu. Amen.

265 Tithi a Wirimu, mwali ula hiyo ninnimwiixaatherya matata, ni ninnivekela Pwiy'ahu ooreeraxa. Mwa Nsina na Yesu Kristu, hiyo ninvekela ovonihiwa wawe. Amen.

266 Pwiy'ahu ooreeraxa, hiyo ninnimwiixaatherya matata munn'ihu, mwa Nsina na Mwaana a Muluku, Yesu Kristu, mwa Yoowo hiyo nikhanlyaahu ooxinttaxa. Ni ninvekela wira Nyuwo munvahe munn'ihu yoovekela awe, mwa Nsina na Yesu. Amen.

267 Tith'ihu, mwa murokor'awe namuteko ahu, nakhotto ola mwaamukhaani a Vamwiikimanyo, kinnivekela, Muluku, wira Erooho Anyu emurweele ni envahe yoovekela awe. Mwa Nsina na Yesu Kristu. Amen.

268 Tith'ihu a Wirimu, mwa nakhotto ola oominyala a Vamwiikimanyo, owo onnikhaliheriyaka Masu Anyu o—okathi wo wuulumeliwa ni sikina, ni onnikhala oororomeleya ni Masu, ookhuma ooxinttaxa mwa Kristu Yesu. Munvahe yoovekela awe, Tithi. Miyo kinvekela mavekelo aka ni onvaha eparakha Anyu, Pwiya, wira Nyuwo munvonihe ni munvahe yoovekela awe. Mwa Nsina na Yesu. Amen.

269 Tithi a Wirimu, mwaan'ola khokhanle okhalaka mukumi ohikhanle Muluku, masi Muluku onniwerya onvoniha. Miyo kinnimwiixaatherya matata ni ompwapwela nwanani, mwa Nsina na Yesu Kristu. Mmureerihe mwaana, ni Nyuwo mmukhaliherye okelela ohoolo mwa Nsina na Yesu Kristu. Amen. Ootepaxa oxintta.

270 Tithi a Wirimu, wa murokor'ihu, onimwiixaatheryahu matata mwa Nsina na Yesu Kristu, Empa yooxintta ya Muluku yiipanke erutthu khukhala ni hiyo. Ni Nsina Nawe, Nsina na xariya na Mwaana ole a Muluku, Yesu Kristu, munvahe murokor'ihu yoovekela awe. Amen.

271 Munn'ihu Kidd muthiyana, mureerihiwe. Tith'ihu a Wirimu, kinvarelaka mulopwana ola ni muthiyana aalweene mmatatani mwaka va, aalaleya Ehapari yooreera miyo kiryeene nlelo mwanamwane, mahiku vakhani avinre aakhwa ni kankuru; kaakuvaka wira kamphwanye, nto owerya wa Muluku khukhuruwa onviraka mulopwana a miyaakha miloko mithanu na miraru khunvoniha, mpakha mameetiku okhala oomaala va mwiiriirya-vo, khiyaawerya osuwela. Kinvekela wira Nyuwo munvahe yoovekela awe voosiis'ula. Amwaar'awe ooreerihiwa, Pwiya, yaakattha vathaapwani wira anveleeliherye iy'aya mmutekoni wira alaleye ela—Ehapari yooreera ela ya Ephome ya Yesu Kristu. Munivahe, Pwiya.

272 Mmureerihe mwan'aya, Junior, Pwiya. Hiyo ninvekela wira Nyuwo munvonihe ni mmukhalihe a ikuru, Pwiya. Owo ti mukhaliheryo aya wira aaroiheke nipuro ntipuro,

wira apweheryeke maleeso. Anaamwi ahireere wuuluvala vahinweryaya-tho okhumela opuwani, masi annirowa okhuma oxipiritali orowa mmaitthokoni, yaapweheryaka maleeso aretta. Muluku, Nyuwo munoottittimiha eyo, miyo koosuwela wira ayo. Mwaareerihe ni mwaavahe ikuru mahiku manci-ene, Tithi. Mwa Nsina na Yesu Kristu. Amen.

<sup>273</sup> Muluku ooreeriheni. Enimwiiriwa, Munna Kidd, enimwiiriwa. [Munna mulopwana ni Munna muthiyana Kidd anlavula ni Munna Branham—Mol.] Attottopeliwe Muluku. Amen. Ayo, ole hiyo naanvekelenle ahu mutelefoonini.

<sup>274</sup> Mulopwana mmosa ni muthiyana a miyaakha miloko mithanu na miraru sa munnuwelo, ni aavira, khonwerya orowa mmapuwani ni weemela vapulpitu, oowuuluvalaxa vano wira olaleyeye siiso, masi nlelo anniruma oroweliwa mirupa sa maleeso a mavekelo ni waaveleeliherya aretta ni ale ooxanka, anniroiha mmaxipiritaalini ni sothene siiso. Wira apweheriwe a . . . Awo khanwerya-tho okhuma ni okhaliherya muteko enamuna yeeyo, masi anniira yooreeraxa anweryaya. Eyo ehaana oniiriha hiyo amiravo wuuliwa muru mwa yoohi. Ti yeeyo, omwiirela etthu Kristu.

<sup>275</sup> Muupuwele, mutokweene ola va, Munna Kidd, aalaleya Ehapari yooreera miyo kihinatthi oyariwa. Ti yeeyo, iwo aavekelelaka aretta, nakhotto mutokweene oominyala. Nto va, mutokweene, murina miyaakha mikavi, Munna Kidd? Miyaakha miloko mithanu na miraru ni mmosa, nlelo oolipa mwa Omwene wa Muluku! Nave-tho oowuuluvala wira eemele vapulpitu ni ovahererya mutthaka siiso, masi onnirowa oxipiritali, waattamela moolili, orina mwaana onimukuxa mukaaroni. Ni khanweryasa weetta, onimwaakuxa mukaaroni ni waaroiha nipuro khata, nto oowaili aya, anaitthoko oowuuluvalasa, anoovolowa ni opweherya maleeso.

<sup>276</sup> Nihiku nlo awo yaahikhalana oophentiwa mmosa aahalela okhwa, mwali, awo yaammala-ru okileela. Hiyo khunvekelela, musulu awe, khurowa khumpweherya . . . Mwaan'owo oovona vano. Attottopeliwe Muluku!

<sup>277</sup> Munna Kidd, kaahilikareliwa nno okathi vakhani ovinre, soophiyaka miyaakha miili sivinre, wona waka, kinoona wira ti yaaryaya, wira owo aarina kankuru mummavoroni, ni miyaakha soophiyaka miloko mithanu na miili ni mithanu na miraru, wala miloko mithanu na miraru, vohalela miyaakha miloko mithanu na miraru, ni kankuru mummavoroni. Meetiku khumuhiya vale paahi ommaathale, khiyaakhanle etthu yaaweryaneya wiiriwa. Hiyo khwaakuva, Billy ni miyo khuyaakakhanya weettiha ekaaro, wira niphaye nipuro aaryaawe-wo. Nto Erooho Yoowaarya khunihimeerya wira nirowe voosiis'ule. Hiyo volimaleleya khanniira siiso naaheettiheriwe-ru wira. Nto Erooho Yoowaarya khwira, "Murowe," vano hiyo khurowa iwe

khumwiixaatherya matata mulopwan'ole mutokweene, wira ninvekelele. Nto matothoro khanwerya ophwanya nlepa naya hata nipuro. Avuwihawe Muluku! Oh! Mwaha wa xeeni? Mukhalelo ahu ori mwa Kristu Yesu, woowela vasulu saana va iretta sothene ni ikuru sothene sa nwanani.

278 Oh, khamuntteeliwa murima mwaha wa Yoowo?

Aakhala atthu oophiyaka mapuro othene,  
 Mirima saya sinoovohiwa  
 Ni Mooro waamonre oPentekositeni,  
 Waawuukuntte ni waareeriha;  
 Oh, Eyo enooviha vano mmurimani mwaka,  
 Oh, nivuwihawe Nsina Nawe!  
 Kinnithhapa ohimyaka wira ka mmosa a  
 yaawo.

Miyo ka mmosa a yaawo, mmosa a yaawo,  
 Kinnithhapa ohimyaka wira ka mmosa a  
 yaawo;  
 Mmosa a yaawo, mmosa a yaawo,  
 Kinnithhapa ohimyaka wira ka mmosa a  
 yaawo.

Hata atthu ala ahixuttaka okhala,  
 Wala wiihimya osuweliwa molumwenkuni,  
 Awo othene yaahimwaakhela Pentekosite aya,  
 Oopatisiwa mwa Nsina na Yesu;  
 Nto awo anoohimya vano, ottaiwene ni mapuro  
 othene,  
 Owerya Wawe nlelo omosaru,  
 Kinnithhapa ohimyaka wira ka mmosa a  
 yaawo.

279 Akavi akhanle mmosa a yaawo? Nvenxe matata vano.

... yaawo, mmosa a yaawo,  
 Kinnithhapa ohimyaka wira ka mmosa a  
 yaawo;  
 Oh, mmosa a yaawo, mmosa a yaawo,  
 Kinnithhapa ohimyaka wira ka mmosa a  
 yaawo.

Vano murwe, munn'aka, mphavele eparakha  
 yeela  
 Enrowa orapiha murima anyu wa etampi,  
 Enrowa opacerya orumiha ittiwi soohakalaliha  
 Ni okhaliha munepa anyu ovihiwaka;  
 Oh, eyo enooviha vano mmurimani mwaka,  
 Nivuwihawe Nsina Nawe,  
 Kinnithhapa ohimyaka wira ka mmosa a  
 yaawo.

Miyo ka mmosa a yaawo, mmosa a yaawo,

Kinnitthapa ohimyaka wira ka mmosa a  
yaawo; (Aleluya!)

Mmosa a yaawo, mmosa a yaawo,  
Kinnitthapa ohimyaka wira ka mmosa a  
yaawo.

Yaathukumanne empa y'osulu,  
Othene avekelaka mwa Nsina Nawe,  
Yaahipatisiwa ni Erooho Yoowaarya,  
Vano owerya wo ovara muteko waahirwa;  
Vano etthu Owo aawiireny'awe nihiku nle  
Ni nyuwo onoowiirelani  
Ni kinnitthapa ohimyaka wira ka mmosa a  
yaawo.

Miyo ka mmosa a yaawo, mmosa a yaawo,  
Kinnitthapa ohimyaka wira ka mmosa a  
yaawo; (Aleluya!)

Mmosa a yaawo, mmosa a yaawo,  
Oh, kinnitthapa ohimyaka wira ka mmosa a  
yaawo.

<sup>280</sup> Vano niipaka muhina, nrowe nivahane matata mmosa ni mukhw'awe. Mwiire:

Mmosa a yaawo, mmosa a yaawo,  
Kinnitthapa ohimyaka wira ka mmosa a  
yaawo; (Aleluya!)

Mmosa a yaawo, mmosa a yaawo,  
Kinnitthapa ohimyaka wira ka mmosa a  
yaawo.

<sup>281</sup> Khamuhiyo? Mwiire, "Amen!" [Muthukumano oniira, "Amen!"—Mol.]

Miyo ka mmosa a yaawo, mmosa a yaawo,  
Kinnitthapa ohimyaka wira ka mmosa a  
yaawo;

Mmosa a yaawo, mmosa a yaawo,  
Kinnitthapa ohimyaka wira ka mmosa a  
yaawo.

<sup>282</sup> Kiipeke eversu ila emosa?

Hata atthu ala ahixuttaka okhala, (Awo kharina hata D.D. muulupale, Ph.D., moone, hata itthu suulupale, moone.)

Hata atthu ala ahixuttaka okhala,  
Wala wiihimya osuweliwa molumwenkuni,  
(Mutthenkeso mmosa muulupale.)

Othene yaahimwaakhela Pentekosite aya,  
Khula mmosa oopatisiwa mwa Nsina na Yesu;  
Nto annihimyasa vano mapuro othene,  
Owerya Wawe nlelo omosaru,

Kinnitthapa ohimyaka wira ka mmosa a yaawo.

Mmosa a yaawo, mmosa a yaawo,  
Kinnitthapa ohimyaka wira ka mmosa a yaawo;

Miyo ka mmosa a yaawo, mmosa a yaawo,  
Kinnitthapa ohimyaka wira ka mmosa a yaawo.

Oh, kahi mwaha wa imilyawu sothene sa vathi mwaa eweero

Kaarowaaka nipuro nla nooreeraxa,  
Hata mulipa-oottehatteha akhalanaka...  
eereryaka okikupaliha,

Masi kiri oolipa mpaani mwa Muluku,  
Otteeliwa murima mophentani Mwawe ni mahala,

Nto kinkhala epantte ya Aleluya!

<sup>283</sup> Oh, wulu! Kinnitthapa mwaha wa yeeyo. Ankhi nyuwo? Khamuteeliwe murima okhala mmosa a yaawo? Mmosa a yaawo paahi, mmosa wa atthu ale oowiiyeviha mwiisiitthale, khuurama (kahi ohoolo wa muluku eethiru), ohoolo wa Muluku mukumi, (kahi ohoolo wa mutthenkeso ni ohela nsina nanyu muliivuruni), ohoolo wa Muluku mukumi, (kahi ohimya eyaaminelo), masi ohiya Masu okhala erutthu mwa nyuwo. Moone, ti yeeyo. Ni mwiiveviha, nto mwa yeeyo Owo khuwunnuwihani osulu, (kahi wira mukhale oothipelela, owiisoona, “Miyo ka *ela*, *ele* wala *ekina*”), masi ni wiisuumaaliha, ni “moota Owo omooponle awe namutakhaliwa ntoko miyo, ni iirale sayi?” Ti siiso muKristu eekeekhai onoonaawe. Khimunaamini yeeyo? Oh, Owo t’eekeekhai saana!

Eekeekhai, eekeekhai, Owo t’oeeekhaixa wa miyo!

Oh, eekeekhai, eekeekhai, Owo t’oeeekhaixa wa miyo!

Anaamwi atthu akina amuhoveeryaka Yoowo, nkinwerya ohikhala ni Yoowo,

Tivo miyo onimphentaaka Yoowo, ni Owo t’eekeekhai wa miyo!

Eekeekhai, Owo t’eekeekhaixa wa miyo!

Mwiipe!

Eekeekhai, eekeekhai, Owo t’eekeekhaixa wa miyo!

Anaamwi atthu akina amuhoveeryaka Yoowo, masi nkinwerya ohikhala ni Yoowo,

Tivo miyo onimphentaaka Yoowo, ni Owo t’eekeekhaixa wa miyo!

284 Oh, kinnitteeliwa murima mwaha wa yeeyo! Ayo, mulopwana. Oh, kinnitteeliwa murima mwaha wa ephiro ela yuulupale ni ya khalayi ya Ehapari yooreera, kikalaka ephiro ela yoovuwa ni ya khalayi ya Ehapari yooreera.

285 Vano, apatthani, mpakha nikumane-tho Veehiceni va Kristu, mwaavekelaka, mukuupuweleke. Ni Muluku amureerihe khula mmosa a nyuwo. Miyo ka...Nkinwerya ohimya wira kileveleliwe mwaha wo woopisihani va.

286 Vano, wa nyuwo murina nleeso va, Kinoomalaru wiixaatherya matata okathi waavekelelaahu aretta, mwaawenhe-ene kiiraka yeeyo Erooho emalakaruru okwanyanya. Nkikenle mwa soowoona sinci-ene, okhala wira kootteettheya, okhulumuwa, mooswela, kiri va iwoora soophiyaka piili wala tthaaru vano, kilaleyaka, ni kipacerya waavara amosa-amosa muliinyani wira moone wira Muluku Mulukuu. Munnona? Yoohiweryaneya, yootikiniha, wira itthu soohitokoseya... Xetwani...

287 Vano, muupuwele, khula mmosa a nyuwo ookhalana owerya mwa Kristu. Khamurina owerya, murina *okhulupale*, okhulupale anyu. Nyuwo muhinuwihiwa, osulu saana; kahi wiisinnuwihi, masi Kristu ohoovenxani. Vantepaawe Kristu woovenxani, munootthunaxa okela vathi, moone, munimwiisoona wiivevihaxa. Vano Owo aakhanle omoopolaka sayi namutakhaliva ntoko miyo, Owo iirale sayi? Masi Owo ohiira, ni kinnixukhuru mwaha wa yeeyo. Amen! Vaareera!

Nsina na Yesu nuurameliwe,  
Nikokhoraka munawoni Mwawe,  
Mwene a mamwene Wirimu hiyo  
ninoomuwaraha nleha,  
Mukwaha ahu waphiyaru okhomoni.

Nsina nooreerexa, (Nsina nooreerexa!) O  
noosivela!

Nrromelo wa vathi ni otthapa wa Wirimu;  
Nsina nooreerexa, (Oh, Nsina nooreerexa! Owo  
kahi oothamaleya?)

Nrromelo wa vathi ni otthapa wa Wirimu.

288 Vano, nwiriyane, muhiliyale ela, nyuwo mwiipe ekooru, mukihye kiipe eversu. Munnona? Nkisuwenle sinto kinoowerya wuupuwele eversu kintthunaaka wiipa, nnimoona.

Nsina na Yesu nuurameliwe,  
Nikokhoraka munawoni Mwawe,  
Mwene ni mamwene a Wirimu ninoomuwaraha  
nleha,  
Mukwaha ahu waphiyaru okhomoni.

(Munnona?)

Mukuxe Nsina na Yesu ni nyuwo,  
Ntoko Mwaakiheryo wa khula murakho;



Ottehattehiwa woorukureryani,  
Muromole Nsina nenlo Noowaarya ni  
mavekelo.

Yeeyo tu. Nvenxe ntata mwiiwe itaravawu othereneya!  
Munnona? Munnona?

Muromole Nsina nenlo Noowaarya ni  
mavekelo.

Nsina nooreerexa, O noosivela!  
Nroromelo wa vathi ni otthapa wa Wirimu;  
Nsina nooreerexa, (Oh, Nsina nooreerexa!) O  
noosivela!

Nroromelo wa vathi ni otthapa wa Wirimu.

<sup>289</sup> Nrowe nihimye-tho yeeyo, othene ahu vamosa. Munihimya  
exeeni? Nrowe niipe-tho eversu yeeyo, ya, “Mukuxe Nsina na  
Yesu ni nyuwo, ntoko Mwakiheryo wa khula murakho.” Nrowe  
niipe vano ni maitho ahu oophunyiwa.

Mukuxe Nsina na Yesu ni nyuwo,  
Ntoko Mwaakiheryo wa khula murakho; (Vano  
nwiriyane. Mwiire exeeni?)

Ottehattehiwa woorukureryani, (Exeeni  
murinanyu wira?)

Muromole Nsina nenlo Noowaarya ni  
mavekelo.

Nsina nooreerexa, (Nsina nooreerexa!) (O  
noosivela!)

Nroromelo wa vathi ni . . .

[Munna Neville onlavula ni Munna Branham—Mol.]  
(Miyo nki. Nnari, ki—koolala vammilo vakhani, koolala  
vammilo vakhani, tivo nkinrowa ohimya...?...Muntthuna  
olaxerya...?...Nnari, khiva mulattu, mulaxeryeke, ti  
yooreera.)

Nroromelo wa vathi ni . . .

Munna Neville, pastore anyu, vano. 

61-1217 oKristu Voovirikana ni  
Waakokhorela Amuluku a Ethiru  
Branham Tabernacle  
Jeffersonville, Indiana wAmerika

EMAKHUWA

©2025 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Olopola mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinvwa etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitudumihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyawe musurukhu vahikhanle n'utthuniheriwa woolempwa ni Voice Of God Recordings®. Mwaaphavelaka wiiwa-tho wala ikaruma sikina sikhhanle, xontte mulavule ni:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)